

四庫全書

史部

欽定四庫全書

欽定大清一統志卷四百二十三

琉球

在福建泉州府青海島中接漳泉興福  
四州界其貢道由福建以達於京師

建置沿革古史不載漢魏以來不通中國相傳在海  
島之中當建安郡東水行五日而至在外國為最  
小而險其國有大琉球小琉球隋大業中令羽騎  
尉朱寬訪求異俗始至其國言語不通掠一人以  
返後遣武賁郎將陳稜率兵至其都掠男女五千

人還唐宋時未嘗朝貢

樂史太平寰宇記隋煬帝大業初海師何蠻等云每

春秋之時天清風靜東望依稀似有烟霧之氣亦不知有幾千里三年帝命羽騎尉朱寬入海訪求異俗遂以何蠻俱往因到琉球國言語不通因掠一人并取其布甲而還帝復遣武賁郎將陳稜朝請大夫張鎮州率兵自義安浮海擊之至琉球初稜將南方諸國人從軍有崑崙頗解其語遣人慰諭之琉球不從拒逆官軍稜擊走之進至其都頻戰皆敗焚其宮室擄其男女數千人而還自是絕

而元世祖至元二十八年沿海副萬戶楊祥使往招諭不從成宗元貞三年福建省平章政事高興

遣都鎮府張浩等赴琉球國擒生口而還

元史作  
留求又

曰高興言今立省泉州距瑤未為近可伺其消息  
或宜括宜戍不必他調兵力九月高興遣都鎮撫  
張浩福州新軍萬戶張進赴瑤  
求國共擒生口一百三十餘人其國王初姓歡斯

氏名渴刺兜至元末國分為三有三王曰中山曰  
山南曰山北皆以尚為姓明洪武初中山王遣子  
姪及其陪臣子弟皆來請肄業國學帝優賚之并  
賜閩人三十六姓善操舟者令往來朝貢自是三  
王封皆請於朝未幾山南山北為中山所共併終  
明之世修貢不絕

本朝順治六年琉球國遣使奉表納款十一年其國王世子尚質遣使進貢方物

詔冊封尚質為中山王賜鍍金銀印令二年一貢著為定例康熙二十年中山王世子尚貞奏請襲封二十一年遣官

冊封琉球國王并

御書中山世土四字封之五十七年琉球國王世曾孫尚敬奏稱自四十八年中山王尚貞薨逝世子尚純

敬奏稱自四十八年中山王尚貞薨逝世子尚純  
早逝世孫尚益權署國事未及請封亦薨今遣耳  
目官正議大夫等奉表恭進方物并請封襲奉

旨

琉球國世守臣節忠藎可嘉准該國王世曾孫尚敬所

請敕賜承襲琉球國中山王雍正元年琉球國王尚敬  
遣王舅翁國柱及曾信入貢復遣官生鄭秉哲等  
入監二年召見王舅翁國柱於

乾清宮

御書輯瑞球陽四字賜之乾隆元年二年三年琉球國  
王俱遣使入貢四年

皇上以王遣使慶賀忠藎可嘉降勅獎諭并

御書永祚瀛壖四字賜之十九年琉球國王世子尚穆  
奏稱臣父敬於乾隆十六年薨逝念臣小子穆恭  
循典例以嫡為統謹遣耳目官正議大夫等虔齋  
方物奏請循例封襲王爵二十年遣官

勅封尚穆為琉球國中山王自後二年一貢如常例

風俗風土氣候與嶺南相類

隋書

望月盈虧以紀時節

候草木榮枯以為年歲

北史

去髭黥手羽冠毛衣

宋史

記人皆深目長鼻男子去髭黥婦人以墨黥手為龍蛇文馬端臨文獻通考男女紵繩纏髮從此後盤繞至頸其男子用烏羽為冠裝以珠貝飾以赤毛形製不同婦人以羅文白布為帽其形方正闊鑲皮并雜毛以為衣製裁不一綴毛垂螺為飾雜毛相間下垂小貝其聲如佩綴瑤旒劉懸珠於頸織藤為笠飾以毛羽

深目長鼻名有小慧

隋書

無禮節好剽掠

案宇記無君臣下上之節拜伏之禮父子同牀而寢男女相悅使相配偶婦人產乳必食子衣明統志尤好掠剽故商賈不通人喜鐵器不為舟楫惟縛竹為筏急則羣舁之浮水而遁

火耕水



耨

文獻通考厥田良沃先以火燒而引水灌之持一鍾以石為刃長尺餘濶數尺而鑿之宜稻梁

禾黍麻豆赤豆黑豆等木有楓

家織蕉布

使琉

栝松梗楠粉梓果藥同于江表

球雜錄農習於隋維婦較耕男為勤家織蕉布非是則無以為衣也負薪運水亦婦人為之

曝

海為鹽木汁為醋米麴為酒

案宇記以木槽中爆海水為鹽木汁為醋

米麴為酒其味甚薄食皆用手過得異味先進尊

者凡有宴會執酒者必待呼名而後飲上王酒者

亦呼王名後銜杯同飲頗同突厥歌呼蹋蹄一人

唱衆皆和音頗哀怨扶女子上膊搥首而舞胡靖

榮頡頏西記錄歸饌盡乾梨無調羹各盤貯而不

相共飲酒正以一杯相傳有我合彼分我分彼合

之別土多山洞洞有小王

案宇記琉球國自隋開焉居海島中當建安郡之東

水行五日而至土多山洞其王姓歡斯氏名克刺  
兜不知其由來有國代數也彼土人呼之為可老  
羊妻曰多拔茶所居曰波羅波檀洞壑樹三重環以  
流水樹林為藩王所居舍其大十六間彫刻禽獸  
國有四五帥統諸洞洞有小王往往有材材有鳥  
了帥並以善戰者為之自相樹立理一村之事兵  
有刀稍弓箭劍鉞之屬編紵為甲或用熊豹之皮  
王乘木獸令人舉之而行導從不過數十人國人  
好相攻擊人皆駢健善走難死而耐瘡諸洞各為  
部隊不相救助兩軍相當勇者三五人出前跳躍  
交言相罵因相擊射如其不勝一軍皆走無賦斂  
遣人致謝即共和解收取門死者聚食之

有事則均稅用刑亦無常準皆臨事科決

文獻通考其民

犯罪皆斷於鳥了帥不伏則上請於王王令臣下  
共議定之獄無枷鎖惟用繩縛決死刑以鐵椎大

如筋長尺餘錯頂殺之周惶派球國志畧云其國  
刑法有死刑三一凌遲一斬首一鎗刺輕刑五一  
派一曝日一近奉正朔設官職被服冠裳表陳章  
夾一抄一笞

奏以土官為府職司朝貢者為文職

王圻續文獻通考其大夫

長史通事官司朝定員為文職皆明所賜  
三十六姓子孫為之土官則有名無姓也  
著作篇

什有華風焉

張學禮中山記云官宦之家俱有書室客軒架列四書唐書通鑑等集板

翻高濂傍

譯土言云

山川北山

在國境西南與日本接界明萬歷中福建巡撫許孚遠奏云琉球近歲為關白擾害

蓋因地勢連屬無波濤之險由薩摩開船四日可至琉球北山延袤三百餘里隨路有山早行夜宿

關白見其路順欺其國弱聲言發船來伐要彼北  
山屯兵若果據北山琉球必為所得而關廣為其  
出沒之地盤據攘將無寧歲却指此山也  
按故山北王國以此山名與中山山南為三琉璫

山

亦在國境西南地名尤家埠  
山形圓卑如覆盂四面無址

虎萃峯

在國城內  
殿後其下

有小廟無像但設香供於地又殿前有石壁高數  
丈濶二十餘丈平如斧削中有一穴穴口嵌一鐵  
龍頭龍口內有泉噴出從空  
注下即大旱之年水亦不渴

高華嶼

隋書自義安  
浮海至高華

嶼又東行二日至龜龜嶼又一日便  
至琉球按二嶼俱隋陳稜率兵過此

落滌

元史水  
至澎湖

漸近琉球謂之落滌者水趨下不迴也凡西岸漁  
舟至澎湖遇颶風作漂流落滌回者百之一二續  
文獻通考嘉靖中國王遣使蔡瀚奉表謝又請云  
明統志中載琉球有落滌王居壁下聚觸牒非實

事杜氏通典習字淵海瀛嶽錄星槎勝覽所述亦傳者妄也乞下史館從之

那壩港

在國

城外二十餘里離海口三里許其間里巷相達人居稠密又有地名玖朱亦見章奏

龍潭

在國

城西潭中二山並峙一名石筍一名龍岡其國人于重陽日為龍舟競渡之戲于此

古蹟三嶼

故國名近琉球元世祖至元三十年欲遣人招誘之平章政事已延言此國之人不

及二百萬乞不遣使從之  
已延舊作伯顏今改正  
三清殿 在那壩港東北

松樹大數圍  
高二十餘丈  
天妃廟 在三清殿東其東有演武場  
場南有長虹橋廣丈餘長五

里橋下大水名曰曼湖通海過橋有松嶺長有  
二十里松楸滿目蒼翠鬱然亦琉球之一景也  
迎

恩亭

在那壩港地名明洪武時或寧王建  
離海口三里許即天使登岸之所

天使館

近迎恩亭向來冊封員役俱駐於此館中有廳堂廊房樓閣園亭臺榭書室小軒周圍寬廣館內鋪設什物俱照中國置度設專司收貯在庫俟天使至日方敢動用後樓上尚有明季使臣杜三策題梅花詩百首於壁間其餘吟咏甚多外有匾額字畫皆明歷代名公之遺蹟也館前有空地百畝每日午後婦女或老或少攜筐挈聚集於此為貿易易實遊玩也

### 山北王墓

在今歸仁運天

村土人呼為按司墓

### 尚圓王祖塋

在葉壁山中有一山宛轉如游龍

### 中山王

### 祖塋

在國城內西南塋中無塚惟石碑上刻琉球中山王祖塋塋前五峯相對遠山圍抱又有

中山王家廟離那壩港數里官民經過下馬步行殿中所供牌位有唐宋以來子孫不替云

### 土產熟琉磺

### 紅銅

以上俱入貢

### 門鏤樹

寰宇記門鏤樹似橘而葉密條

織如髮紛

然垂下

金荊榴

續文獻通考木色如其金密緻而文彩盤促有如美錦甚香可

以為枕及案面  
雖沉檀不能及

海螺殼

白銅錫

胡椒

番茹

狀如薯蕷

番紙

蕉布

苧布

紅花

蘇木

鬃烟

熊

羆

豺

狼

寰宇記有熊羆豺狼尤多猪雞無牛羊驢馬

欽定大清一統志卷四百二十三

欽定四庫全書

欽定大清一統志卷四百二十三

荷蘭

在西南海中亦曰紅夷俗稱紅毛國其貢道由福建以達於京師

建置沿革自古荒服之地不通中國相傳在西洋中其地近佛郎機其人深目長鼻髮眉鬚赤赤足長尺二寸頎偉倍常故名紅夷又名紅毛番明萬曆中佛郎機市香山據呂宋荷蘭聞而慕之二十九年駕大艦攜巨礮直薄呂宋呂宋人力拒之則轉



薄香山嶼言欲通市當事難之嶼中人慮其登陸  
謹防禦始引去三十二年七月駕二大艦直抵彭  
湖至十月末乃去是時佛郎機橫海上紅毛與爭  
雄攻破美洛居國與佛郎機分地而守後又因叻  
啗吧假臺灣之地於日本築安平赤籐二城倚夾  
板船為援戰久留不去海上奸民闌出貨物與市  
尋復出據澎湖築城設守已又泊舟風櫃仔出沒  
浯嶼白坑東槌莆頭古雷洪嶼沙洲甲洲間要求

互市濱海郡邑為戒嚴天啟三年巡撫南居益謀

討之

上言臣入境以來聞番船五艘續至與風櫃仔船合几十有一艘其勢愈熾有小校陳士

瑛者先遣往咬留吧宣諭其王至三角嶼遇紅毛船言咬留吧王已往河南國因與士瑛偕至大泥謁其王王言咬留吧國主已大集戰艦義往彭湖求互市若不見許必至構兵蓋阿南即紅毛番國而咬留吧大泥與之合謀必不可以理諭為今日計非用兵不可因列上調兵足餉方畧部議從之

四年正月遣將先奪鎮江港而城之且築且戰番人乃退守風櫃城居益增兵往助攻擊數月寇猶不退乃發大兵諸軍齊進寇勢窘兩遣使求緩兵

遂揚帆去彭湖之警始息而其據臺灣者猶自若也崇禎中為鄭芝龍所破不敢窺內地者數年乃與香山佛郎機通好私貿外洋十年駕四舶由虎跳門薄廣州尋遁歸臺灣

本朝順治九年偽鄭成功率舟師攻平安城荷蘭戰敗因棄臺灣而去十年廣東巡撫奏稱荷蘭國遣使航海請修朝貢十三年貢使哖哖哖哖哖哈哇噠等到京其貢道由廣東入康熙三年荷蘭國遣

出海王統領兵船至閩安鎮助勦海逆克取廈門

金門

頒敕諭二道遣官齎賞賚銀緞至福建令給付本國人

帶歸二十五年改定荷蘭國貢道由福建入

按荷蘭明

史謂之和蘭其本國在西洋者去中華絕遠華人未嘗至其所恃惟巨舟大礮舟長三十丈廣六丈厚二尺餘樹五櫓後為三層樓旁設小厠置銅礮桅下置二大巨鐵礮發之可洞裂石城震數千里世所稱紅夷礮即其製也然以舟大難轉或遇淺沙即不能動而其人又不能戰故往往挫敗其所役使名烏鬼入水不沉走海面得平地其柁後置照海鏡大徑數尺能照數百里云

奉天主教深目長鼻髮眉鬚皆赤國富土遇中國貨物當意者不惜厚資

明史

土產馬

珊瑚

哆囉絨

織金毬

啤吱緞

鏡

丁香

檀香

自鳴鐘

冰片

琥珀

烏鎗

火石

以上俱  
入貢

金

銀

瑪瑙

玻璃

刀

劍

天鵞

欽定大清一統志卷四百二十三

欽定四庫全書

欽定大清一統志卷四百二十三

暹羅

在占城西南東連大泥西接蘭場北界大海國周千里其貢道由廣東以達於京師

建置沿革相傳即隋唐赤土國為扶南之別種後分

暹與羅斛二百地暹土瘠不宜耕種羅斛土地平

衍而多稼暹人歲仰給之隋煬帝時屯田主事常

駿至赤土知其國王姓瞿曇氏云元貞元初暹人

常遣使入貢

元史暹國當咸亨元元年進金字表欲朝廷遣使至其國比至則已先

遣使乃賜來使素金符佩之使急追詣使同往以  
還人與麻里子兒舊相讐殺至是皆歸順有旨諭  
還人勿傷麻里子兒以踐爾言大德三年還國主  
上言其父在位時朝廷嘗賜鞍轡白馬及金縷衣  
乞循舊例帝以丞相鄂爾哲達爾罕言彼小國而  
賜以馬恐其鄰實都革議議朝廷仍賜金縷衣不  
賜以馬鄂勒哲達爾罕舊作完澤  
答刺罕實都舊作忻都今俱改正 其後羅斛強

併有還地遂稱暹羅斛國明洪武三年命使臣呂  
宗俊等齎詔往諭之國王參烈昭毘才遣使奉金  
葉表文朝貢十年其世子昭錄羣膺承父命復來  
朝帝命使齎詔及印賜之文曰暹羅國王之印自

是其國遵朝命自稱暹羅永樂九年國王昭祿羣  
膚哆囉諦刺遣使奈必表貢方物且乞量衡為國  
永式從之萬厯間暹羅嗣王發兵攻破鄰國東蠻  
牛又移師破真臘降其王遂霸諸國

本朝順治十年遣使請貢康熙四年進貢至京十二  
年暹羅國王森列拍臘照古龍拍馬噶陸坤司由  
提呀菩埃遣使來進貢并請封典奉

旨給與誥命并駝鈕鈕金銀印嗣後朝貢不絕雍正七年



入貢

御書天南樂國匾額賜之乾隆十四年入貢

御書炎服屏藩賜之自後定例三年一貢三十一年其  
國為花肚番所破尋復四十六年該國鄭昭列為  
國長遣使入貢四十七年鄭昭卒子鄭華嗣立其

國有大庫司九

猶華言布政司也一日暹羅二曰  
可刺細馬三曰足曹本四曰皮細

絲五曰末骨胎六曰果平足七

府十四

一日納納  
二曰無老

曰倒腦細八曰計丕九曰六毘

三曰比米四曰東板島五曰森皮六曰足皮里七

曰米野八曰多鏡九曰千無里十曰細辭滑十一

曰米欲十二日歛細腰十  
三日沾奔十四日魁山

縣七十二分隸各府云

風俗地方千里環國皆山氣候不常或寒或熱

瀛涯勝覽

東南土平行西北多大山地磽确

按古暹羅二國暹國土瘠知在

西北羅斛土衍知在東南

崇信釋教不通漢字惟誦佛經字皆

橫寫

明文男女多為僧尼亦居庵寺持齋受戒衣服頗類中國富貴者尤敬佛百金之產即以

其半施之死則用水銀灌其口而葬貧則移屍至海濱即有羣鴉飛啄俄頃而盡人拾其骨號泣而

棄于海謂之烏葬

黃海為鹽釀秫為酒

王圻續文獻通考

亦延僧設齋禮佛

男女椎髻事決婦人

續文獻通考男女椎髻白布纏頭被服長衫每有計議刑

法輕重錢穀出入之事並決之婦人婦人智量在  
男子上瀛涯勝覽云婦人多智夫聽於妻妻與中  
國人私寢食與

城分八門

暹羅館志城壕用磚砌  
分八門南北五里東西

同恬不怪也

十里城中有小河通角城外西南居民輳集有外  
城周遭十餘里王居在城西隅另建一城約三里  
餘殿用金裝絲繪覆以銅瓦室用錫瓦階砌用錫  
裏磚閣十用銅木木地卑濕民皆樓居上聯俟柳  
片蔭覆之亦有周陶瓦者坐卧即於樓

官制九等

館志一曰握亞往三曰握步喇三曰握蟒一四曰握  
坤五曰握悶六曰握文七曰握板八曰握郎九曰握  
握救其選舉由卿舉於大庫司審其堪用以文達  
於王所王為定期面試至期大庫司引至王前咨  
以民事應對得當即授官服候用否則逐出考課  
亦以三年為期人皆有名無姓為官者稱握某民

上者稱奈某最  
下者稱隘某

# 乘輿飾粧彩帽製類兜盔

館志王  
鎖里人

出乘金粧彩轎或乘象車其傘蓋以菱華葉為之  
每日且登殿各官以臺下設壇以次盤膝而坐合  
掌於頂獻花數朶有事則具文書朗誦上呈候王  
定奪乃退遇正日冬節及慶喜事亦有賞錫凡頒  
賜敕諭勘合王則用原封冠服行五拜三叩頭禮  
又云其服飾惟王以受封故留髮冠金嵌寶石帽  
製類兜盔上長三尺用五彩緞小袖在袖下用  
五絲布慢鞋襪用紅緞官及庶民皆剪髮官一等  
四五等則金嵌寶石帽五等至九等則五絲絨緞  
帽俱著兩截衣襪履用牛皮婦人粧髻於後飾用  
金銀簪花戒指鐲釧脂粉貧者用銅土人粧髻於  
飛花布慢下衣五彩織金花慢拖地長二三寸足  
著紅黑皮鞞鞋

## 風俗勁悍習於水戰

明史其大將以聖鐵  
裹身刀矢不能入按

聖鐵者人腦骨也

海貳代錢重禁私銀

續文獻通考貿易以貳子代錢瀛涯

勝覽云市用海貳一如錢價西北二百餘里有市鎮曰上水通南居人無慮六百家各種番貨俱有館志民多載舟之各國商販少則用海貳多則用銀官民有銀不得私用皆送王所委官輕瀉成珠用鐵印印紋於上每百兩入稅六錢無印紋以私銀論初犯斷左指再犯斷右指三犯者死

土產龍涎香

象牙

胡椒

藤黃

荳蔻

蘇木

西洋閃金花緞

速香

烏木

大楓子

銀香

以上俱入貢

羅斛香

味極清遠亞於沉香

沉香

丁香

石

榴子

樹香

貓兒眼

寶石

金鋼鑽

錫大

清會典錫之良者產於南洋諸夷國番船以時至者由廣東和買

猫竹

黃竹

崇竹

西洋布

犀

象

孔雀

五色鸚鵡

金絲猴

六足龜

水瓜

土瓜

欽定大清一統志卷四百二十三

欽定四庫全書

欽定大清一統志卷四百二十三

西洋

在西南海中其貢道由廣東以達於京師

建置沿革去中國極遠於古無可考至明萬曆九年有利瑪竇者始汎海抵廣州香山舉二十九年始入於京師中官馬堂以其方物進獻自稱大西洋

人是時禮部言會典止有西洋瑣里國無大西洋其真偽不可知又寄居二十年方行進貢則與遠方慕義特來獻琛者不同況此等方物未經臣部擇驗徑行進獻則內臣混進之非與臣等溺職



之罪俱有不容辭者及奉旨送部乃不赴部審譯而私寓僧舍不知何意乞給賜冠帶還國勿令潛居兩京與中人交往別生事端不報

帝嘉其遠來給賜甚厚瑪實安

之遂留居不去嗣是以後其徒來者益衆皆祖述

其說甚相矜誇

瑪實有萬國全圖其大畧言天下有五大州第一曰亞細亞州第二

曰歐羅巴州第三曰利未亞州第四曰亞墨利加州最後得墨瓦蠟泥加州為第五而域中大地盡矣其所謂亞細亞州者自中國以至日本交趾西域等國皆是也其所謂歐羅巴州者則南至地中海北至青地及冰海東至大乃河墨阿的湖大海西至大西洋共七十餘國自國王以及庶民皆奉天主耶穌教即瑪實等所生之本國也其所謂利未亞州者南至大浪山北至地中海東至西紅海

聖老楞佐島西至阿則亞諾海大小共百餘國其  
所謂亞木利加州者地分南北中有一峽相連峽  
南曰南亞墨利加南起墨瓦蠟泥海峽北至加納  
達峽北曰北亞墨利加南起加納達北至冰海東  
盡福島地最廣大其所謂墨瓦蠟泥加者因以西  
把泥亞國王念地為圖理徂西自可達東乃命其  
臣墨瓦蘭者往訪沿亞墨利加東偏展轉經年忽  
得海峽亘千餘里海南大地杳無涯際以墨瓦蘭  
首開此區遂即以名  
命曰墨瓦蠟泥加云 四十四年禮部侍郎沈淮給

事中晏文輝等合疏斥其邪說惑衆且疑為佛郎  
機假託乞急行驅逐帝納其言始令俱遣赴廣東  
聽還本國令下久之遷延不行至崇禎初厯法疏

外禮部尚書徐光啟請令西洋人羅雅谷湯若望等以其國新法相叅校開局纂修報可書成未上會

本朝建元始採取其說命若望等理欽天監事即醫學亦間用之康熙九年西洋國使遣使嗎諾叻薩喇噠噠到京具表進貢十七年其國王阿豐速遣使進獅子雍正三年意達里亞國教化王伯納第多遣使奉表進貢乾隆十八年爾都噶爾國王若

望復遣使奉表進貢乾隆十八年復遣使進貢其地之遠近舊史不載今據利瑪竇及南懷仁等所紀歐邏巴州之地共七十餘國其大者曰以西把

尼亞

在歐邏巴之極西周一萬二千五百里又云其地三面環海一面臨山產馬五金絲綿細絨

白糖國人好學有共學二所遠近學者聚焉國中  
有二大名城一曰色未利亞近地中海為亞墨利  
加諸船所聚金銀如土奇物無數多阿利禮果有  
一林長五百里者一名多勒多城在山巔運水甚  
難士者置一水甕盤水至城不賴人力其甕晝夜  
自能轉動又有渾天象其大如屋人入其中見各  
重天之運動其度數皆與天合國中天主堂極多  
近國王又造一大堂修道之士環居內有三十六

祭臺中臺左右有編蕭二座中各有三十二人每  
層百管管各一音合三千餘管凡風雨波濤唱吟  
戰鬥與百鳥之聲皆可模倣本國之西有波爾杜  
瓦國四方商舶皆聚產果實絲綿極美水族亦繁  
歐邏巴初通海道周經利木亞過大浪拂郎察在  
山抵小西洋至中國貿易者從此國始  
西巴尼亞東北周一萬一千二百里分十六道屬  
國五十都城名巴理斯設一共學生徒嘗四萬餘  
併他方學共七所又社院以教貧士凡一切供億  
皆王主之其先嘗因回回佔如德亞他興兵伐之  
始製大銃回回遂稱西土人為佛郎機銃亦沿此  
名是國之王神能以手撫人應瘡應手而愈每歲  
一日瘡人先期齋戒三日凡患此疾者預集天  
主殿中國王舉手撫之國土膏腴物力豐富  
**大里亞**  
在佛郎察東南周圍一萬五千里三面環  
地海中一面臨高山有一千一百六十六

郡最大者曰羅瑪城周一百五十里地有大渠穿  
出城外百里以入於海四方商船悉輸珍寶駢集  
是渠教主居於此列國之王雖非其城咸致敬盡  
禮認為代天主教之君也羅瑪城奇觀甚多宰輔  
家有名苑中造派觴曲水又銅鑄各類羣鳥遇機  
一發自能鼓翼而鳴各具本類之聲又有石柱外  
周鏤形像爛然可觀內則空虛可容數人登階上  
下如塔然城中大山曰瑪山人烟稠密若無泉造  
一高梁長六十里梁上立溝遠接山之水如通流  
河西北為勿搦祭亞城建海中有一種木為椿入  
水千年不朽其上鋪石造屋備極精巧城內街衢  
俱是海兩旁可通陸行城中有舶二萬又有橋梁  
極闊上列三街俱有民居不異城市其高可下度  
風帆國中精於造舟預庀物料一舟指顧可成造  
玻璃極佳甲於天下有勿里諾湖在山巔從石峽  
瀉下聲如迅雷聞五十里日光耀之恍惚皆虹霓

狀又有沸泉不可染指投畜物於內頃刻便糜爛其南為納波里地極豐厚從納波里至左里域石山相隔國人心山通道長四五里廣容兩車對視如明星其四周皆小山山洞甚多入內可療病各主一疾如欲汗者入某洞則汗至欲除濕者入某洞則濕去意大里亞名島有三一西齋里亞地極富庶有大山噴火山四周多草木積雪不消常成晶石沸泉如醋物入便黑國人最精天文造日晷法自此地始有巧工德人祿者造百鳥能飛即微如蠅蟲亦能飛更有天文師名亞而幾墨得者有三絕昔敵國駕數百船臨其島彼則鑄一巨鏡映日注射敵船光照火發數百船一時燒盡又其王命造一大船船成將下海雖傾一國之力用牛馬駝駝千萬莫能運載墨得營運巧法第一舉手舟如山岳轉動須臾下海又造一自動渾天儀十二重層層相間七政各有本動凡日月五星列宿

運行遲疾與天無二以玻璃為之重重可透視旁  
近有瑪兒島不生毒物蛇蠍等皆不螫人毒物自  
外至輒死一哥而西加有三十三城產犬能戰一  
犬可當一騎其國布陣每騎間一犬反有騎不如  
犬者又近熱如亞一鵝島滿島**熱爾瑪尼亞**在佛  
皆鷄自生自育絕非野雉之屬  
東北國王不世及乃七大屬國之君所共推者或  
用本國臣或用列國君須請命教主立之其土人  
散處各國為兵極忠實至死不貳各國護衛宮城  
或從征他國皆選此國人充之工作細巧能於戒  
指內納一自鳴鐘又有法蘭哥地人最賈直易信  
行旅過者輒署之客或不答則大喜延入具酒食  
謂此人已經嘗試可信託也多葡萄善造酒但沽  
與他方過客土人滴酒不入口也其屬國名波下  
米亞者地生金握井恒得金塊重十餘觔河底嘗  
有金如豆粒有羅得林日亞國最侈汰其王一延



客堂四周皆列珊瑚拂蘭地亞在亞勒馬尼亞西

琅玕交錯儼如屏障在亞勒馬尼亞西

稠密婦人貿易無異男子能手作錯在亞勒馬尼亞西

金織不煩機杼布最輕細皆出此地波羅泥亞在亞勒馬尼亞西

勒瑪尼亞東北地甚冷冬月海凍行旅於冰上歷在亞勒馬尼亞西

幾晝夜望星而行其屬國波多里亞地易發生種在亞勒馬尼亞西

一歲有三歲之獲海濱出琥珀是海底脂膏從石在亞勒馬尼亞西

隙派出初如油出穴便凝為大風衝至海濱在亞勒馬尼亞西

翁加里亞在波羅尼亞南物產極豐牛羊可供歐

中噴出即凝為石其一冬月常流至夏反合為水在波羅尼亞南物產極豐牛羊可供歐

其一以鐵投之便如泥再溶又成精銅其一水色在波羅尼亞南物產極豐牛羊可供歐

沉錄凍則便成綠石永不化大泥亞諸國歐羅巴西北有四大

勿惹亞曰雪際亞曰那底亞與熱滿瑪泥亞相隔歐羅巴西北有四大

一海套道阻難通其南夏至日長六十九刻其中歐羅巴西北有四大

長八十二刻其北夏至日輪橫行地面半年為一晝夜其大沉亞國沿海產菽麥牛羊最多海中魚藏水面不籍網罟隨手取之不盡本國一世家名第各建一臺於高山絕頂以窮天象究心三十餘年累黍不爽所制窺天之器窮極杳眇今為西土歷法之宗其諾而勿菴亞寡五穀山多材木鳥獸海多魚鱉人性馴厚喜接遠方賓旅絕無盜賊雪際亞地分七道屬國十二歐邏巴北稱第一富庶多五穀五金財貨百物貿易不以金銀以物相抵人好勇亦善遇遠方人鄂底亞在雪際亞之南亦繁厄勒祭亞在歐羅巴極南地分四道凡禮樂法度文字典籍皆為西土之宗其人喜啖水獐不膏肉味亦嗜美酒東北有羅馬泥亞國都城周裏三層生齒極衆外居民紅綿豆二百五十里一聖女殿門開三百六十以南周天附近有高山名阿零薄山頂終歲清明無風雨有河水一

名亞施亞白羊飲之變黑一名亞馬諾黑羊飲之  
變白有島一為厄歐白亞海潮一日七次一為哥  
而府園六百里出酒與油蜜  
極美過島皆摘柚香櫟之屬  
莫斯哥未亞  
在亞細  
境東西萬五千里南北八千里中分十六道有窩  
兒加河最大支河八十皆為尾閘以七十餘口入  
北高海兵力甚強日事吞併其地下長日短冬至  
日止二時氣候極寒雪下堅凝室宇多用火溫行  
旅為嚴寒所侵爪眈皆凍如薦入溫室耳鼻無墜  
每自外來者先以水浸其軀俟僵體漸甦方可入  
溫室八月至四月皆衣皮裘產皮處用以充賦稅  
所造大銃長三丈七尺用藥  
石內容二人掃除  
又有森林其樹悉為蜂房  
國人各界其樹為恒產

風俗尚天主教通歷數善製造

南懷仁坤輿圖說云  
歐邏巴州大小諸國

自王以及庶民皆奉天主教織毫異學不容竄入其婚娶男子三十女子至二十外臨時議婚不預聘通國皆一夫一婦無有二色者土多肥饒產五穀以麥為重果實更繁出五金以金銀銅鑄絲為幣衣服蠶絲者有天鵝絨織金縠之屬羊絨者有毡罽鎖哈喇之屬又有利諾草為布細而堅輕而滑敝可搗為紙極堅韌君臣冠服各有差等相見以免冠為禮男子二十已上繫衣青色兵士勿論女人以金寶為飾服御羅綺佩帶諸香酒以葡萄釀成不雜他物可積至數十年膏油之類味美者曰阿利穢是樹頭果熟後全為油飲食用金銀玻璃及磁器其屋有三等最上者純以石砌其次執為牆其下土為牆築基最深上累六七層高至十餘丈瓦或用鉛或輕石坂或陶瓦工作製造備極精巧其駕車國王用八馬大臣六馬其次四馬或二馬戰馬皆用壯驕過則弱不堪戰矣諸國皆尚

大學國王廣設學校一國之郡有大學中學一邑一鄉有小學小學選學行之士為師中學大學又選學行最優之士為師生徒多者至數萬人分為四科聽人自擇一曰道科主興教化一曰農科主守教法一曰治科主習政事一曰醫科主療疾病凡四科官祿入皆厚養廉有餘尚能推惠貧乏諸國所讀之書一以天主經典為宗在處皆有貧院專養鰥寡孤獨及殘疾之人又有幼院以育小兒有病院養疾病各城邑遇豐年多積米麥饑歲以常價糶之國中有天理堂選盛德宏才無求於世者主之凡有舉動征伐必先質問合天理否以為可然後行諸國賦稅不過十分之一民皆自輸無徵比惟科之法詞訟極簡小事理中和辭大事乃聞官凡官府判事不先事加刑必俟事明罪定然後刑之

土產金剛石飾金劍 金珀書箱 珊瑚樹 珊瑚

珠 琥珀珠 伽楠香 哆囉城 象牙 犀角

乳香 蘇合油 丁香 金銀乳香 花露

花幔 花氈 大玻璃鏡

以上康熙九年入貢

厚福水 綠

玻璃鳳壺 里阿喇波羅盃 蜜蠟盃 蜜蠟小

瓶 法琅小圓牌 蜜蠟小刀柄 銀累絲輪

船 小銅日規 連銀累絲屏 累絲花 水晶

滿堂紅燈 各寶玩器 叻石喻鼻烟罐 各色

玻璃鼻烟壺 各寶圓球 各寶鼻烟壺 銀累

絲大小花盤 實地銀花盤 連座銀累絲船

銀花匣 連銀累絲小花瓶 鑲寶石花 銀絲

小漏盤 線花畫 皮畫 皮扇面畫 繡花絨

盤 小銀罐 花石片 鐵花盆 巴爾薩嗎油

咖石喻蓋盃 鍍金皮規矩 鑲牙片鼻烟盒

銀花素鼻烟盒 鑲銀花砂漏 咖石喻綠石

鼻烟盒 阿噶達片 番銀筆 咖石喻帶頭片

瑪瑙刀柄 瑪瑙鼻烟壺 各色石鞭頭 小

石盒 珊瑚素珠 瑪瑙珠 各寶素珠 花紙盤

香枕囊 顯微鏡 石頭火漆印巴 火字鏡

玻璃棋盤棋子 火漆 大紅羽緞 周天球

鼻烟 照字鏡 以上雍正三年入貢 大珊瑚珠 寶石素

珠 金鑲叻石喻瓶 金法琅盒 金鑲蜜臘盒

銀鑲叻石喻盒 金鑲瑪瑙盒 銀鑲藍石盒

銀鍍金鑲雲母盒 銀鍍金鑲玳瑁盒 玻璃



瓶貯各品藥露 金絲緞 金銀絲緞 金花緞

洋緞 大紅羽毛緞 大紅哆囉呢 洋製銀

柄武器 洋刀 長劍 短劍 鍬銀花火器

自來火長鎗 手鎗 上品鼻烟 石巴依瓦油

聖多默巴爾撒木油 壁露巴爾撒木油 伯

肋西理巴爾撒木油 各品衣香 巴斯地理

葡萄酒 紅露酒 葡萄酒黃露酒 白葡萄酒 紅葡

萄酒 咖石喻 各色法琅料 烏木鑲青石桌

面 烏木鑲黃石桌面 烏木鑲各石花條桌

織成各種透視畫

以上雍正五年八月

自來火長烏鎗 自

來火手把烏鎗 法琅洋刀 赤金文具 呖石

論文具 螺鈿文具 瑪瑙文具 綠石文具

赤金鼻烟盒 呖石喻鼻烟盒 螺鈿鼻烟盒

瑪瑙鼻烟盒 綠石鼻烟盒 銀裝春夏秋冬四

季花 金絲花緞 銀絲花緞 金絲表緞 銀

絲表緞 哆囉呢 織人物花氈 露酒 白葡

葡萄酒 紅葡萄酒 巴泉撒木鼻油 洋糖果

香餅 銀裝蠟臺 銀盤玻璃瓶 銀架玻璃瓶

意大石文具 銀圓香盒 銀長香盒 蜜蠟

香盒 剪子 意大石牙籤 玻璃牙籤 異石

烟盒

以上乾隆十八年進貢

欽定大清一統志卷四百二十三

欽定四庫全書

欽定大清一統志卷四百二十三

蘇祿

在東洋海中地近淳泥閩婆其貢道由福建以達於京師

建置沿革自古荒服之地不通中國相傳其國分東

西峒三王而以東王為尊

見王圻續文獻通考

明永樂十五

年其國東王巴都葛叭答西王巴都葛叭蘇哩峒

王叭都葛巴都刺卜並率其妻子來朝貢進金鏤

表文獻珍珠寶石玳瑁諸物因並封為國王賜印

誥襲衣冠帶及鞍馬儀仗器物居二十七日三王  
辭歸其東王次德州卒於館帝遣官賜祭命有司  
營葬勒碑墓道謚曰恭定留妻妾僉從十人守墓  
畢三年喪遣歸乃遣使齎敕封其長子都馬舍為  
蘇祿國王十八年西王遣使入貢十九年東王母  
遣王叔叭都加蘇里來朝貢大珠一其重七兩有  
奇二十一年東王妃還國厚賜遣之明年入貢自  
後不復至

本朝雍正四年福建巡撫奏蘇祿國王母漢末母拉  
律林遣使喇噠祿達臣龔廷綵副使巴祿達臣阿  
石丹航海奉表貢獻方物五年其貢使至京因

欽頒敕諭一道給賜國王即令來使齎奉還國乾隆十九  
年諸國王請以戶口人丁編入中國圖籍五年一  
貢後復請三年一貢奉

旨定為五年

風俗地瘠寡粟麥民率食魚蝦煮海為鹽釀蔗為酒

織竹為布

明史其國氣候常熱有珠池夜望之光浮水面土人以珠與華入市易大者利

數十倍商船將返輒留數人為質冀其再來尤伺外國傳云今賈舶所至城頗據天險疑峒王所都聚落不滿千家所食魚蝦螺蛤織竹帛為業短髮纏皂纓腰圍水印花布

土產珍珠

玳瑁

描金花布

金頭牙薩

燕窩

白洋幼布

蘇山竹布

龍頭花刀

夾花標

鎗

滿花番刀

藤蓆

猿

以上俱入貢

欽定大清一統志卷四百二十三

欽定四庫全書

欽定大清一統志卷四百二十三

南掌

在雲南省東南東至水尾界南至安南界西至寧遠界北至車里界其貢道由雲南以達於

京師

建置沿革古越裳氏地自周以來不通中國其夷佩雕瓜為飾俗呼為撾家明永樂三年始備方物入貢置老撾軍民宣慰使司嘉靖間緬人破其東之攢掌亦名南掌蓋老撾部屬之最荒遠者



本朝雍正八年南掌國遣頭目叭猛花等奉表貢象  
二隻嗣後五年一貢乾隆七年

皇上念其僻處天末遠道致貢未免煩勞定為十年一  
貢自七年至三十七年共進貢四次

風俗民皆百夷性獷悍身及眉目皆刺花

明統志其酋長有三

等大曰招木弄次曰招木牛又次曰招化而為宣  
慰者即招木弄也居高樓其土寬廣見人不下樓  
部屬見即所至之地各為等限使客亦然  
而設通使引之以至其地不差尺寸云

土產象

貢入

海貝

犀牛

乳香

西木香

訶子

欽定四庫全書

欽定大清一統志卷四百二十三

俄羅斯

在喀爾喀楚庫河以北東南至格爾必齊河北岸自大興安嶺之陰以東至海與黑龍江所轄北境接界西接西洋西南至土爾扈特舊國及準噶爾界北至海去中國二萬餘里其貢道由恰克都經喀爾喀地進張家口以達於京師

建置沿革地在極北古難詳考秦漢之間服屬匈奴

史記匈奴傳冒頓單于北服渾庾屈射丁靈隔毘  
薪犁之國注正義曰薪犁以上五國在匈奴北  
按魏畧曰匈奴北有渾窳國有屈射國有丁令國  
有隔昆國有薪黎國蓋北海之南自有丁令非烏

孫之西丁令也烏孫長  
老言北丁令有馬脰國  
漢有堅昆丁令

漢書匈奴傳郅支單

于北擊烏揭降發其兵西破堅昆北降丁令  
堅昆在烏孫北烏揭之西丁令又在其北史記所

謂丁靈也即  
今俄羅斯地  
唐時有點憂斯骨利幹等國

唐書點憂斯古

堅昆國也地當伊吾之西焉耆北白山之旁或曰  
居勿曰結骨其種雜丁零乃匈奴西部也匈奴封

漢降將李陵為右賢王衛律為丁零王後郅支單  
于破堅昆於時東距單于庭七十里南車師五千

里郅支留都之後世得其地者訛為結骨稍號  
骨亦曰訖陀斯云直回訖西北三千里南依僞漫

山地夏沮洳冬積雪人皆長大赤髮皙面綠瞳以  
黑髮為不祥黑瞳者必曰陵苗裔也男少女多俗

趨佻氣多寒雖大河亦半冰稼有禾粟大小麥青  
稈稼馬至壯大其君曰阿熱逆姓阿熱氏駐牙青

山至回鶻牙所橐駝四十日行回鶻牙北六百里  
得仙娥河河東北曰雷山地多水泉青山之東有  
水曰劍河河偶艇以度水悉東北流經其國合而北  
入于海堅昆本強國也地與突厥等東至骨利幹  
南吐蕃西南葛邏祿貞觀二十二年入朝帝以其  
地為堅昆府隸燕然都護乾元中為回紇所破後  
語訛為黠戛斯蓋回紇謂之若曰黃赤面云又云  
骨利幹處瀚海北多百合產良馬其地北距海去  
京師最遠又北度海則晝長夜短日入烹羊脾熟  
東方已明蓋近日入處也太宗時入朝以其地為  
元闕州其大酋獻馬帝取其異者號十驥龍朔中  
以元闕州更為余吾州隸瀚海都督府按唐時  
堅昆在西骨利幹在東皆今俄羅斯南境  
今其人多赤髮皙面綠瞳蓋堅昆之裔也元時有

俄羅斯及奇爾濟蘇哈卜塔噶謙州蓋蘭州等處

元火奇爾濟蘇南去大都萬有餘里其境長一千  
四百里廣半之譙河經其中西北流又西南有水  
曰鄂普東北有水曰玉舒皆巨浸也會於譙而注  
于莽噶拉木河北入于海俗與諸國異土產名馬  
白黑海青阿克新者因水為名附庸于奇爾濟蘇  
去大都二萬五千餘里即唐史所載骨利幹國也  
烏蘇亦因水為名在奇爾濟蘇東譙河之北哈卜  
塔噶猶言布囊也蓋口小腹巨地形類此因以為  
名在烏蘇東譙河之源所從出也其境上惟有二  
山口可出入山水林樾險阻為甚譙州亦以河為  
名去大都九千里在奇爾濟蘇東南譙河西南唐  
麓嶺之北並蘭者蛇之稱也初州境山中居人見  
一巨蛇長數十丈從穴中出飲河水腥聞數里因  
以名州朔漢國自和寧北行三千里名昂吉爾海  
子自此又行五百餘里至欠欠州奇爾濟蘇地又  
行千里大洋云俄羅斯舊作阿羅思奇爾濟蘇

舊作吉利吉思哈卜塔噶舊作撼合納鄂善舊作  
阿浦玉舒舊作玉須莽噶拉木舊作昂可刺河阿  
克新舊作昂可新烏蘇舊作烏斯昂吉爾舊作  
阿只里奇爾濟蘇舊作乞里吉思今俱改正 皆

其地也明時阻於朔漠未通中國

本朝順治初其衆曰羅刹竊據黑龍江雅克薩之地

築城居之侵擾索倫達虎爾等

索倫達虎爾二部居額爾古納河及

淨溪里江之地與羅刹接壤

康熙十五年遣使入貢諭以嚴禁

羅刹無擾邊陲羅刹潛侵淨里溪等處遷延不去

命都統公彭奉率兵進討羅刹窘迫乞降及我兵回潛據

雅克薩如故二十四年復

命黑龍江將軍薩布素等統兵圍之降者日衆二十五年  
其國察漢汗遣使上疏謝罪言下國邊民構釁自  
當嚴治乞撤雅克薩之圍且請分定邊界

詔許之二十八年遣內大臣索額圖等與其使臣費要多  
羅等會議於尼布潮之地定格爾必齊河以北大  
興安山一帶為界其前所侵之尼布楚雅克薩諸  
處俱歸版圖於格爾必齊河旁立碑為誌自後朝

貢貿易定為每間歲一至未嘗稍違節度

三十二  
年俄羅

斯送回逃人二名理藩院行文獎之是年察漢汗遣使入貢

聖

祖閱其奏章諭大學士曰俄羅斯貢獻想從古所無其國距京師甚遠從此陸路可直達彼處自嘉峪關行十

一二日至哈密自哈密行十二日至土魯番過土魯番即俄羅斯之境聞其國遼闊有二萬餘里三十九年

聖

祖曰俄羅斯遣使者齎奏至西北海隅然甚誠敬噶爾

丹窘迫求救於彼曾拒而不答曩者遣人分畫疆界即  
使尼布楚地以東為界尼布楚等處原係布拉克吳郎  
海諸部落地彼皆林居以捕貂為業人稱之為土中人  
後俄羅斯強盛并吞之能遠獻還即此允當軫念也

其國王所居之城曰莫斯科窪近西北大海去



京師甚遠相傳其國本微弱地亦狹

初居近海之計由地

後

假兵力於西費耶斯科國漸強盛

其國至依番无什里魚赤始得

西費耶斯科之助以兵八千稱汗者歷二十三代

及餉收諸部族

遂雄長西北

三百五十餘年併吞喀山托波爾諸處亦一百六

十餘年今其地廣袤幾二萬餘里分八道

一道曰莫斯科

霍斯科國王所都一道自托波兒河東至尼布楚與中國分界處曰西畢爾斯科其六道曰喀山斯

科佛羅尼使斯科計由斯科司馬連斯科三皮提里普爾斯科郭羅多阿木哈斯科每一斯科如中

國省會其餘小斯科無數

設官管轄

每斯科設一人統轄曰噶噶林各處有城堡名曰栢

興猶中國州縣大者兵民數百或千餘小者一二  
百設頭目一人有樓房屋舍架大木為之城垣亦  
皆列木柵但絕  
少多虛名耳南界土爾扈特哈薩克諸國及內

附之喀爾喀西北尚有十餘國大者曰西費耶斯  
科圖里耶斯科近為所侵掠皆微弱云康熙間其  
國遣人來京師就學

特設俄羅斯館派滿洲助教一人漢助教一人教習之  
雍正五年定俄羅斯來學喇嘛六人學生四人每  
十年更換一次乾隆二十二年王師追討準噶

爾部叛賊阿睦爾撒納由哈薩克竄入俄羅斯境  
未即縛送

特命典屬嚴詞索取適逆賊身斃俄羅斯遂傳送其屍  
修詞恭順祈與 天朝永睦焉

風俗地寒而濕多雨雪少晴和山川險阻林樾叢繞  
居止有廬舍水陸用舟車風俗以去髭鬚為姣好  
髮卷者為美觀卑賤見尊長以免冠立叩為恭敬  
服羶屬喜飲酒不知茶屑麥為餅不飯食知種而

不知耘不知牛耕居河濱者喜浴善酒有錢文大  
小銀銅式不一以十六寸為一尺十二兩為一斤  
千步為一里無節氣書知有四季而不知朔望人  
材勇健性矜夸貪得平居和睦喜恢諧少爭鬪好  
詞訟刑罰頗嚴尚浮屠自國王至庶民有四季大  
齋數十日

山川帕付林斯科山

在國境東佛落克嶺西北高出  
諸山之土土人云冬夏積雪人

不能至  
按自喀爾喀諸部駐牧之色楞格河下  
流地名楚庫栢興入俄羅斯界自此而北水皆北

流沿路皆大山深谷山多林藪夏多蛇虺水多魚  
本朝康熙五十一年原任內閣侍讀圖理琛奉使土  
爾扈特道經其國歸而著其山川風土令依其所  
經次第列諸大水於下山雖多而有名者絕少故  
不盡錄  
**佛落克嶺** 在費耶爾和土爾斯科地高十餘  
里有二水嶺東流出者曰土拉河

嶺西流出者曰托波兒河山之陰有水  
曰喀穆河下流俱會於厄爾齊斯河  
**色楞格河**

源出喀爾喀境內東北流至楚庫柏興入俄羅斯  
界受東南來之楚庫河又東北流二百餘里至烏  
的相興受東南來之烏的河又西北三百餘里入  
白哈兒湖河廣四五十丈水清溜急十月中始凍  
兩旁皆山沿岸多魚  
**昂噶喇河** 自白哈兒湖西北  
柳樺榆櫻莢中多魚  
百五十餘里至厄爾庫城受西南來之厄爾庫河  
又西北流二千九百餘里受東北來之伊里穆河

又數百里會伊轟謝河流入北海此河長三千餘里受十餘小水又大于色楞格兩岸及河中皆高峰峭壁水深溜急舟行甚險五六月尚有冰舊志昂噶拉河兩岸皆山自伊里穆河流入之處以至伊轟謝河中間河流俄羅斯人又呼為通古斯科河又有十餘小河皆注入之昂噶拉河內有伯克五處破落克八處西費喇九處其國謂水中高峰及臨水懸崖曰伯克有減提別西伯克巴達爾滿斯克伯克多達兒斯克伯克減費斯克伯克費達穆克伯克謂夾岸峭壁中有大石河水陡下懸流曰破落克有博合減兒爾納破落克牙皮乃破落克巴墩破落克多爾規破落克沙滿斯克破落克阿普林斯克破落克木爾蘇克破落克四鐵烈洛什破落克謂水淺多在急流之處曰西費喇有洛什西費喇郭標穆索斯奈西費喇栢格西費喇郭洛活瓦西費喇郭費殿斯克西費喇噶什那西費

喇鄂費夏那西費喇鄂爾吉那西費喇鄂薩牙西  
費喇按元史奇爾濟蘇有謙河西北流注于莽

噶拉木河莽噶拉木即昂噶喇謙河  
當即伊聶謝也莽噶拉木已見前伊聶謝河厄

爾庫城西北由昂噶喇河水行三千餘里至伊聶  
謝栢興得伊聶謝河其水大于昂噶喇不知發源

之處北流經伊聶謝栢興會東來之昂噶喇河轉  
東北深入于北海自此而北地益寒蓋近北海矣

### 揭的河

伊聶謝栢興之西北二百五十餘里地名  
麻科斯科有嶺名佛落克水從嶺下流出

西北流二千五百餘里至那里穆栢興入於鄂布  
河舊志揭的河土人名為解梯多灣曲水色赤沿

河有小栢興四五處順流約鄂布河  
自麻科斯科二千里河面漸濶水色漸白鄂布河西北有揭的

河水行二千五百餘里至那里穆栢興得鄂布河  
其水西北流至托穆斯科受東南來之托穆河至

那里穆栢興又受東南來之獨的河又西北流二千餘里至薩馬爾斯科之地轉西南流與厄爾齊斯河合復西北流入北海此河又大於伊犇謝水濁溜緩洲渚甚多自此而北地漸平坦山亦不甚大厄爾齊斯河自那里穆栢興西北有鄂布河水爾齊斯河其水自阿爾泰山發源北流入俄羅境又西北流至托波兒之地受托波上拉二河轉東北流與鄂布河合流入北海此河大如色楞格水濁溜急其發源之阿爾泰山屬中國西北塞外邊界即古金山也計其源流與色楞格相等不知幾千里舊志厄爾齊斯河在蘇爾呼忒栢興西南六百餘里托波兒河源出費雅爾土爾斯科地之佛落北流入于厄爾齊斯河其入厄爾齊斯河處之東地名托波爾在薩馬爾斯科西南一千餘里彼所



稱八道中之一道也居民二千餘戶駐兵二千頭  
目十數人有廬舍市井謂之西畢爾斯科設噶林  
一人統之凡諸栢興皆其所轄云舊志狄穆演斯  
科西南六百餘里為托波兒地兀爾齊斯河來自  
東南繞過托波兒向東北流托土拉河源出佛落  
波兒來河自西南至此地而合  
南流入托波兒河匯于兀爾齊斯河其發源處地  
名費耶爾和土爾斯科在托波兒西北二千餘里  
自此西北與國城喀穆河在佛落克嶺之北從一  
相近彼謂之內地  
里至黑林諾付之地有佛落克嶺北流出之費牙  
忒喀河西南流入此河又深至喀山城東南入佛  
兒格河此河上流至地名黑林諾付俱屬西畢爾  
斯科道至喀山乃別為一道自此而北至國王所  
居莫斯科窪城僅二千餘里地勢趨下人烟稠密  
舊志喀穆河大似色楞格河水色赤溜急自東北

向西南流至喀山相佛兒格河發源西北山中東對之地入佛兒格河

南受喀穆河又流三百餘里至西穆必爾斯科之地轉西南派又五百餘里入土爾扈特國界南派

匯于滕吉思湖此河大如鄂布河水濁溜緩在俄羅斯名佛兒格在土爾扈特國名厄濟爾他水皆

北派入海惟此自北而南不入海其所經之喀山亦八道中之一道也在黑林諾付西南五百餘里

地平坦多田畝產稻稷麥環大水為城有八門周八里居民五千餘戶設總管統轄其南三百餘里

地名西穆必爾斯科又西南五百餘里曰薩拉托付自此而南即土爾扈特舊所遊牧之地也白

哈兒湖在楚庫栢興北五百餘里亦曰栢海去喀爾喀北界千餘里有巨澤南北長二百里

東西廣千餘里四面皆山色楞格河自西南派入昂噶喇河自西北派出其從東北派入者又有一

河亦名昂噶喇中有洲曰鄂達漢在湖內之東北  
偏南北五十餘里東西二百里上有山岡多野獸  
水多魚蒙古五十餘戶遊牧于此十二月下旬冰  
始堅可行三月盡冰始解按唐書地理志骨利  
幹都播二部落北有小海冰堅時馬行八日可渡  
海北多大山其民狀貌甚偉風俗類骨利幹畫長  
而夕短所謂小海即此水也又按史記匈奴傳匈奴  
留郭吉遷之北海上漢書蘇武傳匈奴徙武北  
海上無人處使牧羝武既至海上廩食不至掘野  
鼠取草實而食之杖漢節牧羊單于弟於靬王弋  
射海上王死後人衆徙去丁令盜武牛羊武復窮  
厄匈奴使李陵至海上為武置酒設樂武終不降  
後漢使復至匈奴常惠夜見漢使教使者謂單于  
言天子射上林中得雁足有係帛書言武等在某  
澤中前言北海海上後言某澤以塞外過水澤通  
稱海也白哈兒湖地在匈奴北與丁零正相近史

記匈奴傳冒頓北服丁靈漢書李陵傳匈奴立衛  
律為丁靈王師古注丁靈匈奴之別種又蘇武傳

注丁令即上所謂丁靈耳然則俄羅斯南境即丁  
靈故地而白哈兒湖即蘇武牧羶之北海上歟

### 土產麥

有大麥小麥  
蕎麥油麥

### 松

### 杉

### 樺

已上三種  
各處有之

### 馬

唐書  
骨利

幹產良馬首似索駝筋力壯大日中馳數百  
里今俄羅斯產馬皆高大逾常即其類也

### 牛

### 羊豕

### 鹿

唐書有鞠國居拔野古東北有木無  
草地多苔苔無羊馬人養鹿若牛馬

惟食苔俗以駕車又以鹿皮為衣元史  
合納在烏斯東謙河之源所從出也貧民無恒產者皆以

樺皮作廬帳以白鹿負其行裝取鹿乳採松實及  
刷山丹芍藥等根為食今俄羅斯之東境伊聶謝

栢興之地有一種貧民名曰喀穆尼漢亦曰通古  
斯俱畜鹿以供乘馭負載鹿色灰白形如驢有角

名曰俄倫

白狐

伊爾斯謝之北地名土

麻門索窪

華言

即其類也

鼠也產于極東北近海處牙特庫之地身大如象

重萬斤行地中見風即死每于河濱土內得之骨

理柔順潔白類象牙彼人以其骨製為梳磔梳篦

之類肉性極寒食之可除煩熱云此地最寒距北

海大洋止一月程晝長夜短方已曙不甚暗雖日落

夜深猶可博奕不數刻東方已曙按唐書載骨

利幹之北晝長夜短也貂貴亦產極東北牙特庫之

近日入處即此地也

地銀鼠青鼠四帖黑列帖魚形類鱗無鱗脊

骨連生大不過三尺味頗佳冰未凍時從北海由

鄂布河溯流而來甚多人取食之又有名鄂莫裏

者長止尺餘白露後五日內由白哈兒湖逆流而

來取之不盡其諸河內皆產鱸鰻鯉鯽鮑等及

哈打拉魚他庫魚石斑魚穆舒  
呼魚松阿打魚勾深魚牙魯魚

欽定大清一統志卷四百二十三

欽定四庫全書

欽定大清一統志卷四百二十四

日本

在東海中

建置沿革古倭奴國後改名日本以近東海日出而名也地環海惟東北限大山相傳有五畿七道三島共一百十五州統五百八十七郡其小國數十

皆服屬焉

魏志自拘邪韓國渡一海千餘里曰對海國又南渡一海千餘里曰瀚海國又

南渡海千餘里曰末盧國東南陸行五百里曰尹都國又東南百里曰奴國又東百里曰不彌國又



南水行二十里曰投馬國又南水行十日陸行一月至邪馬臺國即大倭王所都自是而東而南曰斯馬國已百支國伊邪國郡支國彌奴國好古都國不呼國姐奴國對蘇國蘇奴國呼邑國華奴國鬼國為吾國鬼奴國邪馬國躬臣國巴利國支維國皆倭所屬後漢建武中元二

年始入貢安帝永初元年倭國王帥升等獻生口

桓靈間倭國大亂更相攻伐三國魏明帝景初二

年倭女王卑彌呼遣大夫詣京都貢獻魏以為親

魏倭王假金印紫綬隨文帝開皇二十年遣使詣

闕

杜祐通典倭王姓阿每名目多利思比孤其國號阿輩鷄彌華言天兒也遣使詣闕其書曰日

出處天子致書日沒處天子無恙云云文帝覽之不悅謂鴻臚卿曰蠻夷書有無禮者勿復以聞

唐貞觀五年命新州刺史高仁表持節撫之浮海數月方至仁表與其王爭禮不宣朝命而還由是

遂絕武后長安二年遣其大臣朝臣真人貢方物

杜祐通典真人猶中國地官尚書也頗讀經史解屬文冠進德冠其頂百花分而四散身服紫袍以帛為腰帶容止溫雅朝廷異之拜為司膳員外郎 開元初又遣使來朝因

請儒士授經詔四門助教趙元默就鴻臚寺教之嗣後朝貢不絕宋雍熙元年日本國僧裔然與其

徒五人浮海而至太宗召見存撫之甚厚賜紫衣

館於太平興國寺

宋史其國多有中國典籍奇然之來復得孝經一卷越王孝經

新義第十五一卷皆金鑄紅羅標水晶為軸孝經即鄭氏著者越王為唐太宗子越王貞新義記室

參軍任希古等撰也 奮然復求詣五臺許之令所過續食又

求印本大藏經詔給之元世祖至元八年秘書監

趙良弼奉使日本諭令入朝不受命乃命實都

實都

舊作折都今改正

范文虎等帥舟師十萬征之至五龍山

遭暴風軍盡沒後屢招不至終元世不相通明洪

武初往往入寇遣行人楊載詔諭其國日本王良懷不奉命三年遣萊州府同知趙秩責讓之四年日本國王良懷遣其僧祖朝進貢詔賜文綺答之未幾復入寇海上諸郡十四年命禮官移書責之良懷答書不遜帝怒甚然終以道遠不遽加兵二十年命江夏侯周異往福建海濱四郡相視形勢築城一十六又命信國公湯和行視浙東西諸郡築城五十九整飭海防自是海上之警漸息永樂

以後日本雖屢遣入貢然其各島諸倭歲常侵掠  
嘉靖中內地奸民汪直徐海陳東麻葉等窟宅海  
島誘之入寇江南浙江福建廣東沿海諸郡數被  
其害總督胡宗憲設計勦誘擒滅諸奸漸以平定  
至萬厯十四年其關白平秀吉者益治兵征服國  
旁諸小國所向無敵并欲滅朝鮮而有之

明史曰  
本故有

王其下稱關白者最尊時以山城州渠信長為之  
信長偶出獵遇平秀吉乃薩摩洲人之奴雄健驍  
捷有口辨信長悅之令牧馬後漸用事為信長畫  
策奪併二十餘州遂為攝津鎮守大將有參謀阿

奇支者得罪信長命秀吉統兵討之俄信長為其  
下明智所殺秀吉方攻滅阿奇支聞變與部將等  
乘勝還兵誅之威名益振尋僭稱關白又以  
威脅琉球呂宋暹羅佛郎機諸國皆使奉貢二十

年遣其將清正等將舟師由對馬島渡海乘勝直

入遂逼王京朝鮮王李昖奔義州遣使告急乃以

兵部侍郎宋應昌為經畧都督李如松為提督統

兵討之互有勝敗久之秀吉死諸倭兵退朝鮮之

患始平而東南之害亦稍息然終明之世通倭之

禁甚嚴云

續文獻通考其城池附山城築四座名  
眾快樂院每城周迴三四里大石高聳

河濶二十餘大內大樓閣九層粧黃金下隔睡房  
百餘間嘗東西遊卧令人不知以防陰害其國有  
天王者自開闢以來相傳至今不與國事不轄兵  
馬惟世享國王供奉而已有大國者受國事掌兵  
馬盛衰強弱更替不常大國猶言國王也有  
官名闕白者即丞相代相更替專國政兵馬

風俗重儒書信佛法

樂史太平寰宇記其俗初無文  
字惟刻木結繩後頗重儒書尤

信佛法有五經書及  
佛經唐白居易集

無盜賊少爭訟

寰宇記

婚嫁不

娶同姓初喪禁用酒肉

寰宇記

其國主世以王為姓

羣臣亦世官

明史

黥面文身輕生好鬪

尤侗外國傳  
男子炮頭斷

髮黥面文身婦人則拔其眉黥其額治容者并黑  
其齒衣如單被穿其中以貫首皆跣足亦間用屨

坐卧席地以蹲踞為恭握掌為悅喜吸茶道旁每設茶店如漢人入酒館也戰鬪則裸身舞刀輕儼跳躍為蝴蝶陣以揮扇吹海螺為號獄訟或置小石沸湯中令所競者探之云理曲者即手爛或置蛇甕中令取之云曲者即整手矣

土產金

東奧西別  
所出銀銅  
島出銅市  
大清會典商賈有願航海

洋於東南日本諸國往市舟回  
司官按時值收之以供國用  
琥珀  
水晶  
紅白

三色  
水銀  
白珠  
青玉  
硫黃  
鐵  
丹土  
冬

青木  
多羅木  
細絹  
花布  
螺鈿  
扇  
漆

俱見明  
統志



欽定大清一統志卷四百二十四

欽定四庫全書

欽定大清一統志卷四百二十四

呂宋

在南  
海中

建置沿革自古不通中國明洪武五年始遣使偕瑣里諸國來朝永樂三年遣官齎詔撫諭其國八年與馮嘉施蘭入貢自後久不至萬厯四年官軍追海寇林道乾至其國國人助討有功復朝貢尋為佛郎機所并然與中國貿易仍稱為呂宋云

明史  
萬厯

時佛郎機強與呂宋互市久之見其國弱可取乃奉厚賄遺王乞地如牛皮大建屋以居王不虞其詐而許之其人乃裂牛皮聯屬至數千丈圍呂宋地乞如約王大駭然業已許諾無可奈何遂聽之而稍徵其稅如國法其人既得地即營室築城列火羅設守禦具為窺伺計已竟乘其無備襲殺其王逐其人民而據其國名仍呂宋實佛郎機也

風俗地近中華人多貿易

明史閩人以其地近且饒富商販者數萬人往往久

居不返至長子孫

禮佛誦經淳樸無訟

尤伺外國傳人淳樸無爭訟衣衫袴

皮屨出入佩刀自衛亦時禮佛誦經

土產金銀

欽定四庫全書

欽定大清一統志卷四百二十四

合貓里

在東海中

建置沿革又名貓里務自古不通中國明永樂三年遣使附爪哇使臣朝貢其國近呂宋商舶往來漸成富壤凡華人入其國者不敢欺凌市法最平故華為之語曰若要富須往貓里務務後有網巾礁老者最兇悍常寇掠其地人多死傷遂至貧困商

人慮為礁老所劫鮮有赴者

風俗地瘠多山人知稼穡

明史

土產胡椒 蘇木 烏木

欽定大清一統志卷四百二十四

欽定四庫全書

欽定大清一統志卷四百二十四

美洛居

在東海中

建置沿革俗訛為米六合自古不通中國明初以其地有香山雨後香墮沿流滿地居民拾取不竭其酋委積充棟以待商舶之售故華人多往市易萬厯中佛郎機與紅毛番互爭其地每歲構兵入不堪命華人流寓者遊說兩國令各罷兵分國中萬

老高山為界山以北屬紅毛番南屬佛郎機始稍

休息而美洛居竟為兩國所分云

按明史稱美洛居為紅毛番佛

郎機二國所分至其所立酋長則仍係美洛居故王之子雖分境服屬而其國猶存未滅也故仍稱

美洛居云

風俗人知敬上賞用饒富

明史其俗男子削髮女椎結酋出入威儀甚備所部

皆合掌伏道旁尤侗外國傳其國多市中國酒器豪飲席間設二大盒盛酒人手一器飲之長者起舞少年環視遜不敢登場也

土產丁香

明史東洋不產丁香獨此地有之可以辟邪

欽定四庫全書

欽定大清一統志卷四百二十四

婆羅

在東海中  
接近西洋

建置沿革又名文萊東洋盡處西洋所自起也唐高宗時常入貢明永樂三年遣使者齎璽書彩幣撫諭其王四年其國東西二王並遣使奉表朝貢至萬厯時其為王者閩人也或言鄭和使婆羅有閩人從之因留居其地後人遂據其國而王之其王



有金印一篆文上作獸形言永樂朝所賜民間嫁娶必請此印印背上以為榮

風俗崇釋教惡殺喜施禁食豕肉犯者罪死

明史

王裏

金繡巾佩雙劍出入

同上

有禮拜寺每祭用犧

同上

土產玳瑁 瑪瑙 碑礫 珠

見玉圻續文獻通考

白焦布

花椒布 降真香 黃蠟 黑小廝

明史

欽定大清一統志卷四百二十四

欽定四庫全書

欽定大清一統志卷四百二十四

榜葛刺

在西海中

建置沿革即漢時身毒國從月氏高附國以西南至

西海東至磬起有別城數百城置長有別國數十

國置王雖各小異而俱名身毒

杜祐通典身毒有都臨恒河一名迦

毗黎河靈鷲山一名耆闍崛山山有青石頭似鷲鳥

後漢和帝時始改名天

竺遣使入貢桓帝延熹二年頻從日南徼外來獻

方物魏晉世絕不復通宋文帝元嘉五年天竺伽  
毘黎國王月愛遣使奉表獻金剛指環摩勒金環  
寶物赤白鸚鵡各一明帝泰始二年又遣使貢獻  
梁天監初天竺王屈多遣長史竺羅達奉表獻琉  
璃唾壺雜香吉貝等物隋煬帝時命裴矩應接西  
番諸國惟天竺不通唐貞觀十五年天竺國王尸

羅逸多遣使入貢

舊唐書天竺國或云婆羅門地在蔥嶺之南周三萬里其中分

五天竺一曰中天竺二曰東天竺三曰南天竺四曰西天竺五曰北天竺地各數千里城邑數百南

天竺際大海北天竺距雪山四周有山有壁南面  
一谷通為國門東天竺東際大海與扶南林邑鄰  
接西天竺與罽賓波斯相接中天竺據四天竺之  
會其都城周迴七十餘里北鄰禪連河中天竺王  
姓乞利咄氏或云殺利氏世有其國不相襲弑相  
歲四熟又有栴檀鬱金諸香通於大秦故其寶物  
或至扶南交趾貿易焉人皆深目長鼻敦敬極者  
紙足摩踵家有奇樂娼妓其王與大臣多服錦罽  
上為螺髻於頂餘髮剪之使卷貞觀十五年其王  
尸羅逸多遣使朝貢太宗降璽書慰問尸羅逸多  
大驚問諸國人曰自古曾有摩訶震旦使人至吾  
國乎皆曰未有之也戎言中國為摩訶震旦乃膜  
拜而受詔書因遣使朝貢其四天竺國王咸遣使  
朝貢五天竺所屬之國數十亦累遣使來朝云

開元中南天竺獻五色能言鳥乞師討大食吐番

丐名其軍元宗詔賜懷德軍晉天福中滄洲僧道  
圓詣西域在途十二年住五印度凡六年五印度  
即天竺也宋太平興國七年益州僧光遠至天竺

以其王沒徒曩表來上

馬端臨文獻通考太宗令天竺僧施護譯云近聞支

那國內有大明王至聖至明威力自在每慚薄幸  
朝謁無由遙望支那起居聖躬萬福今以釋迦舍  
利附光遠上達又譯其國僧統表詞意亦與沒徒  
曩表同施護者烏填曩國屬北印度西行十二日  
至乾陀羅國又西行二十日至曩識羅賀囉國又  
西行十日至歲波國又西行十二日至誠惹曩國  
又西行至波斯國得西海自北印度行百二十日  
至中印度中印度西行三程至呵囉尾國又西行

十二日至迦囉拏俱惹國又西行十二日至摩羅  
尾國又西行二十日至烏然泥國又西行二十五  
日至羅囉國又西行四十日至蘇羅茶國又西行  
十一日至西海凡中印度行六日程至南印度又  
西行九十日至供迦拏國又西行一日至海自  
南印度南行六日程得南海皆施護之所迷云 雍

熙中有婆羅門僧永世與波斯外道阿里烟同至

京師

永世自言本國名利得國王姓牙羅五得名  
阿喏你縛衣黃衣戴金冠以七寶為飾出乘

象或肩輿以音樂螺飯前尊多遊佛寺博施貧乏  
其妃曰摩訶你衣綢縷金紅衣歲一出多所賑施  
入有冤抑俟王及妃出遊即迎隨申訴署國相四  
人庶務並委裁制五穀六畜果實與中華無異市  
易用銅錢文漫圓徑如中國之制但實其中不穿  
貫耳其國東行經六日至大食國又二月至西州

又三月至夏州阿里烟自云本國王號黑衣姓張  
名哩里沒用錦緣為衣每游獵三二日一選國署  
大臣九人治國事無錢貨以雜物  
貿易其國東行經六月至婆羅門  
乾德二年命沙

門三百人入天竺求舍利及貝多葉書

范成大吳船錄有繼

業三藏姓王氏耀州人預遣中至開寶九年始歸  
寺所記西域行程雖不甚詳然地理大畧可考云  
自隋州出塞西行由靈武西河甘肅瓜沙等州入  
伊吳島昌焉耆于闐疎勒大石諸國度雪嶺至布  
路州國又度大蔥嶺雪山至伽濕彌羅國西登大  
山有薩拙太子投崖餉虎處遂至健他羅國謂之  
中印度又西至庶流波國及左攔陀羅國國有二  
寺又西過四大國至大曲女城南臨滔牟河北負  
洹河塔廟甚多而無僧尼又西二程有寶階故基  
又西至波羅奈國城城相距五里南臨洹河又西

北十許里至鹿野苑塔廟佛跡最夥又南行十里渡洹河河南有大浮屠自鹿野苑西至摩竭提國館於漢寺寺多租入八村隸焉僧徒往來如歸南與杖林山相直巍峩巋然山北有擾波掬多石室及塔廟故基西南百里孤山名鷄足三峯云是迦葉入定處又西北百里有菩提寶座城四門相望金剛座其中東向又東至尼連禪州東岸有石柱記佛舊事自菩提座東南五里至佛苦行處又西三里至三迦葉村及牧牛女池金剛座之北門外有獅子國伽藍又北五里至伽耶城又北十里至伽耶山云是佛說寶雲經處又自金剛座東北十五里至正覺山又東北三十里至骨磨城業館於鰕羅寺謂之南印度諸國僧多居之又東北四十里至王舍城東南五里有降醉象塔又東北登大山細路盤紆有舍利子塔又臨澗有下馬迎風塔度絕壑登山頂大塔廟云是七佛說法處山北平



地又有舍利本身塔其北山半曰驚峯云是佛說法華處山下即王舍城城北山趾有溫泉二十餘井又北有大寺及迦蘭陀竹園故跡又東有阿難半身舍利塔溫泉之西有平地直南登山腹有畢鉢羅窟窟西復有阿難證果塔去新王舍城八里城中有蘭若隸漢寺又有樹提迦故宅城其西有輪王塔又北十五里有那蘭陀寺寺之南北各有數十寺門皆西向其北有四佛座又東北十五里至烏嶺頭寺東南五里有聖觀自相象又東北十里至伽溫彌羅寺寺南距漢寺八里許自漢寺東行十二里至却提希山又東七里有鵠寺西北五十里有支那西寺古漢寺也西北百里至花氏城阿育王故都也自此漢河北至毘耶離城有維摩方丈故跡又至拘尸那城及多羅聚落踰大山數重至尼波羅國又至唐逾里過雪嶺至三耶寺由故道自此入階州

元太祖定西域

至東印度地明永樂六年榜葛剌國王霽牙思丁

遣使來貢正統後不復至

王圻續文獻通考榜葛剌即東印度也國最大

從蘇門答刺海西北行二十日抵潮地港自港至  
瓊納兒江有城池街市聚貨通市再行至板獨哇  
酋長居焉城郭甚嚴其國殿宇廣大內門三重九  
間殿柱皆黃銅包飾雕琢花獸左右長廊內設明  
甲馬隊千外列巨漢甲冑執鋒刃及弓矢丹墀左  
右列孔雀翎扇蓋數百又置象隊王正殿高座嵌  
八寶王箕踞坐其上橫劍於膝王及諸官皆回回  
人男祝髮白布纏頭圓領長衣束綵悅躡金錦羊  
皮鞋婦人不施脂粉  
耳垂寶釧項挂纓絡又有沼納樸兒其國在榜葛  
剌之西永樂十年亦遣使者勅諭其國然以去中

國絕遠朝貢竟不至

續文獻通考沼納僕兒在榜葛刺逆西古天竺國也居印

度之中又名金剛寶座

國乃釋迦得道之所

風俗修浮圖道不殺生

後漢書

人敦龐土饒沃

見梁書天竺傳

又云其王號茂論所都城郭水泉分流繞於渠澗下注大江其宮殿皆雕文鏤刻街曲市里屋舍樓觀鐘鼓音樂服飾香華水陸通派百賈交會毘玩珍瑋恣心所欲左右嘉維舍衛葉波等十六大國去天竺或二三十里共遵奉之以為在天地之中也

百姓殷樂俗無簿籍耕

王地者輸地利以齒貝為貨

舊唐書

俗皆徒跣衣重

白色

舊唐書

無喪紀重刑罰善天文曆筭之術

舊唐書

死

者或焚屍取灰以為浮屠或委之中野以施禽獸  
或流之於河以飼魚鱉無喪紀之文謀反者幽殺  
之小犯罰錢以贖罪不孝則斷手足截耳割鼻放  
流邊外有文字善天文算歷之術其人皆習學  
華云是梵天書法書於貝多樹葉以紀事  
俗尚信義田豐美一歲二收

男女勒耕織

續文獻通考

地大物阜繁華類中國

明史地大

物阜城池街市聚貨通商繁華類中國

俗淳龐有文字官司上下亦

有行移醫卜陰陽百工技藝悉如中國

明史皆前世所流入

也

土產鹽

馬端臨文獻通考天竺國臨大江源出崑崙分為五江總名洹水其水甘美下有真鹽色

正白如金剛

舊唐書似紫石英百鍊不消可以切玉

高你布 兜羅

綿翠羽 琉璃 良馬 鶴頂 犀角 烏爹

泥紫膠 烏木 蘇木 麒麟 金銀 青

花白瓷 鸚鵡 洗白苾布 撒哈刺 糖霜

乳香 熟香 烏香 麻藤香 藤竭 胡椒

粗黃

自麒麟以下俱見明史

欽定大清一統志卷四百二十四

欽定四庫全書

欽定大清一統志卷四百二十四

拂菻

在西海中

建置沿革即漢大秦國又名犂靬後漢桓帝延熹初

始通中國

杜佑通典其國在西海之西亦云海西國其王理安都城宮室皆以水晶為柱

從條支西渡海曲萬里去長安蓋四萬里其人長大平正有類中國故謂之大秦云晉武帝

太康中其王遣使貢獻

晉書其地東西南北各數千里有城邑其城周迴百

餘里屋宇皆以珊瑚為柁琉璃為牆壁王有五宮相去各十里每旦于一宮聽事終而復始若國

有災異輒更立賢人放其舊王有官曹簿領而文字異習亦有白蓋小車旌旗之屬反郵驛制置一如中州以金銀為錢銀錢十當金錢之一及安息天竺人與之交市于海中其利百倍鄰國使到者輒廩以金錢進經大海海水不可食商客往來皆齎三歲糧是以至者稀少至唐時改名

拂菻貞觀十一年其王波多力遣使入貢開元七

年又遣大德僧來朝

舊唐書拂菻國一名大秦地方萬餘里列城四百邑居連

屬有貴臣十二人共治國政常使一人將囊隨王車百姓有事者即以書投囊中王還宮省發理其枉直其王冠形如鳥舉翼冠及璽珞皆綴珠寶衣錦繡前不開襟坐金花牀有一鳥似鵝毛綠色常在王側倚枕上坐每進食有毒其鳥輒鳴其郡城疊石為之絕高峻凡有十萬餘戶南臨大海城東

面有大門其高二十餘丈自上及下飾以黃金光輝燦爛連曜數里自外至玉室凡大門三重列異寶雕室第二門樓中懸一金秤以金九十二屬於銜端以候日之十二時一金人立于側每至一時其金丸輒落鏗然發聲引唱以紀日時毫釐無失其殿以瑟瑟為柱黃金為地象牙為門扇香木為棟梁其俗無瓦搆白石為木羅之塗屋上其堅密光潤還如玉石至盛夏之節人厭暑熱乃引水潛流上徧屋宇機制巧密人莫之知觀者惟聞屋上泉鳴俄見四簷飛溜懸波如瀑布激氣成風凡其巧妙嗣後無聞至元末其國人有捏古倫者入市如此

中國明洪武四年召見命齋詒書還諭其王復命使臣普剌等齋勅書綵幣招諭其國乃遣使來貢



後不復至萬厯時西洋人利瑪竇至京師言天主  
耶蘇生于如德亞蓋即古大秦國云

風俗其人質直市無二價穀食常賤國用富饒

魏書

俗

多奇幻

魚秦  
典畧

土產金珠玉夜光璧琥珀瑪瑙碑礪

赤玻璃綠金精珊瑚

魏書西南漲海中可  
七八百里行到珊瑚

洲水底有盤石珊瑚生其上大秦人常乘大船載  
鐵網令水工先沒入視之可下網乃下初生白漸  
似苗坼甲厯一歲許出網目間變作黃色枝格交  
錯高極三四尺大者圍尺餘三年色乃赤好復沒

視之知可採便以鐵鈔發其根乃以索繫網使人以舶上絞車舉出還國理截恣意所作若失時不

舉便木難

魏書碧色珠也出翅鳥口中結沫所成土人珍之

蘇合香

晉書會合

諸香煎其汁為之

火浣布

錦罽

海西布

魏書大秦有織成細布言

用水羊毛名曰海西布作毬毬毬罽罽之屬其色鮮于海東諸國所作

駭雞犀

獅

子

魏書大秦地多獅子遮害行旅不百餘人將兵器輒為所食

羊羔

舊唐書生于土中其

國人候其欲萌乃築墻以院之防外獸所食也然其隣與地連割之則死唯人著甲走馬及擊鼓以

駭之其羔驚鳴隣遂絕

欽定大清一統志卷四百二十四

欽定四庫全書

欽定大清一統志卷四百二十四

古里

在西  
海中

建置沿革西洋大國也自柯枝舟行三日可至自錫  
蘭山十日可至為諸蕃要會自古不通中國明永  
樂三年其王馬那必加刺滿遣使入貢因封為國  
王十四年偕爪哇占城等國入貢是時諸蕃使臣  
充斥于廷以古里大國序其使者于首宣德八年

其王比里麻遣使偕蘇門答刺等國使臣入貢其  
使久留都下正統元年乃命附爪哇貢舟西還自  
是不復至

風俗其人淳厚行者讓道路不拾遺

王圻續文獻通考

敬浮

屠崇回教

明史人分五等如柯枝其敬浮屠鑿井  
灌佛亦如之每旦王及臣民取牛糞調

水屠壁及地又燬為灰抹額及股謂為敬佛國中  
半崇回教建禮拜寺數十處七日一禮男女齊沐  
謝事午時拜天子寺未時方散王老不傳子而傳  
甥無甥則傳弟無弟則傳于國之有德者國事皆  
決于二將願以回回人為之刑無鞭苔重者斷手  
足輕者罰金珠鞠獄不承則置其手指沸湯中三

日不爛即免罪免罪者將頌  
導以鼓樂送還家親戚致賀  
蔬果畜產多類中國

明史其國山多地瘠有穀無麥富家多植椰子樹  
至數千共嫩者漿可飲亦可釀酒老者可作油糖  
亦可作飯幹可搗屋葉可代瓦殼可製杯棬可  
索鉤燬為灰可鑲金其地蔬果畜產多類中國

土產寶石 珊瑚 珠 琉璃 鐵 龍涎香 蘇

合油 花氈單 伯蘭布 苾布

欽定大清一統志卷四百二十四

欽定四庫全書

欽定大清一統志卷四百二十四

柯枝

在西海中

建置沿革相傳即古盤盤國其國與錫蘭山對峙中通古里東界大山三面距海宋元嘉中始通中國梁隋皆入貢唐貞觀九年來貢永徽中獻鸚鵡明永樂六年鄭和使其國九年國王可亦里遣入貢宣德八年王可亦里復遣使偕錫蘭山諸國來



貢云

風俗崇釋教俗甚淳

舊唐書盤盤傳人皆尊婆羅門敬佛法明史其王鎧里人崇釋

教佛座四旁皆水溝復穿一井每旦鳴鐘鼓汲水灌佛三浴之始羅拜而退俗頗淳築室以椰子樹

為村取葉為苫以覆屋風雨皆可蔽

人分五等

明史一曰南昆王族類二曰回回三曰哲

地皆富民四曰革全皆牙僧五曰木瓜木瓜最貧為人執賤役者屋高不得過三尺衣上不得過臍下不得過膝途遇南昆哲地人輒伏地俟其過乃起

氣候常熱田瘠少收

明史

氣候常熱一歲中二三月時有小雨國人皆治舍儲食物以俟五六月間大雨不止街市成河七月始晴八月後不復雨歲歲皆然田瘠少收諸穀皆產獨無麥諸畜亦皆有獨無鵝與驢云

土產胡椒

王圻續文獻通考地  
產胡椒通商販馬

鸚鵡

唐永徽中  
常入貢

欽定大清一統志卷四百二十四

欽定四庫全書

欽定大清一統卷四百二十四

錫蘭山

在西海中

建置沿革自古不通中國

明史錫蘭山傳或云即古狼牙修梁時曾通中國自

蘇門答剌順風十二晝夜可達

明永樂中鄭和使西洋至其地其

王亞烈苦奈兒欲害和和覺去之他國及和歸經

其地復誘和至中國發兵五萬塞歸路和乃率步

卒二千由間道攻拔其城生禽亞烈苦奈兒及妻

子頭目獻俘于朝帝憫其無知皆釋之且給以衣食命擇其族之賢者立之有邪把乃那者諸俘因咸稱其賢乃遣使齎印誥封為王其舊王亦遣歸自是遂屢入貢至天順後不復至其國地廣人稠貨物多聚亞于瓜哇東南海中有山三四座總名曰翠藍嶼大小七門門皆可通舟中一山尤高此番名梭篤蠻山自此山西行七日見鸚哥嘴山又二三日抵佛堂山即入錫蘭國境

明史海邊山石上一足跡跡長

三尺許故老云佛從翠藍嶼來踐此故足跡尚存  
中有淺水四時不乾人皆手蘸拭目洗面曰佛水  
清淨山下僧寺有釋迦真身側卧牀上旁有佛牙  
及舍利相傳佛涅槃處也其寢座以沈香為之飾  
以諸色寶石王所居側有大山高出雲漢其巔有  
巨人足跡入石深二尺長八尺餘云是盤古遺跡  
此山產紅雅姑青雅姑黃雅姑昔刺泥窟沒藍等  
諸色寶石每大雨衝流下山土人競拾之海旁有  
浮沙珠蚌聚其內光彩潏灩王使人撈取  
置之地蚌爛而取其珠故其國珠寶特富

### 風俗崇釋教禁食牛肉

明史其王瑣里國人崇釋教  
重牛日取牛糞燒灰塗其體

又調以水遍塗地上乃禮佛手足直舒腹貼于地  
以為敬王及庶民皆如之不食牛肉止食其乳死  
則瘞之有殺氣候常暑地豐米穀

牛者罪至死

見續文獻通考

又明史云民富

饒然不喜噉飯欲噉  
則于暗處不令人知

土產珠 珊瑚 諸色寶石 水晶 撒哈刺 西洋

布 乳香 樹香 檀香 沒藥 木香 硫黃

藤竭 蘆薈 烏木 胡椒 碗石 馴象

欽定大清一統志卷四百二十四

欽定四庫全書

欽定大清一統志卷四百二十四

西洋瑣里

在西海中

建置沿革自古不通中國明洪武三年其王別里提始遣使奉金葉表獻方物永樂元年又遣使來貢附載胡椒與民市又有瑣里者近西洋瑣里而差

小洪武五年其王卜納的亦遣使奉表朝貢

按瑣里本

一小國乃占城暹羅錫蘭柯枝諸大國王舊志皆云係瑣里人故特存之



風俗

無可考

土產 堯羅綿 白苾布

欽定大清一統志卷四百二十四

欽定四庫全書

欽定大清一統志卷四百二十四

蘇門答刺

在西南海中

建置沿革在占城西南或言即漢條枝唐波斯大食

二國地西洋要會也

王圻續文獻通考又云即古蘇文達那

明永樂

三年其酋宰奴里阿必丁已遣使入貢詔封為蘇

門答刺國王比年入貢終成祖世不絕鄭和凡三

使其國

續文獻通考其國與花面國相接先是蘇門王與花面王戰中矢死王子年幼不能

復讎其妻今日孰能復此讐者我以為夫與共國  
事有漁翁聞之率衆往擊殺花面王而還遂稱為  
老王既而王子年長率部衆殺之漁翁子蘇幹刺  
奔峭山思復父讐王子遣使來訴乃命太監鄭和  
往捕蘇幹刺以歸  
獻闕下國乃寧  
迨萬厯間國兩易姓易國名曰

啞齊

明史啞齊王者其始本人奴也奴之主為國  
大臣握兵柄一日隨主入貢出謂主曰王左

右侍衛少請乘間刺殺之奉主為王猶反掌耳主  
從之遂篡王位任奴為心腹委以兵權未幾奴復  
殺主而代之乃大為防衛拓其宮建六門不得闌  
入雖魚貴不得帶刀上殿出乘象象駕亭而惟其  
外如是者百餘傳  
人莫測王所在云  
嗣後無聞

風俗商賈輻輳市道稱平

明史其國俗頗淳出言柔  
媚貨舶至貿易稱平地本

瘠無麥有禾禾一歲二稔四方商賈輻輳華人往者以地遠價高獲利倍他國其氣候朝如夏暮如秋夏有瘴氣婦人裸體惟腰圍一布其他風俗類滿剌加

土產硫黃

賄爾馬果

外皮甚臭剖開取囊如酥油香美

俺拔果

其味

酸甜香冽

寶石

瑪瑙

水晶

石青

回回青

馬

犀牛

龍涎香

沉香

速香

木香

丁香

降真香

斗錫

胡椒

蘇木

欽定大清一統志卷四百二十四

欽定四庫全書

欽定大清一統志卷四百二十四

南渤利

在西南海中

建置沿革自古不通中國相傳自蘇門答刺而西順風三日夜可到王及居民皆回回人僅千餘家其國境西北有山甚高峻曰帽山山西大海即西洋也番名那沒黎洋往來洋船俱望此山為準明永樂十年其王馬哈麻沙遣使附蘇門答刺使入貢

風俗俗朴實地少穀人多食魚蝦

明史

土產降真香

犀牛

黑珊瑚

王圻續文獻通考帽山近海水内生黑珊瑚

珊瑚大者高二三尺如墨之黑如王之潤有枝婆婆可愛

欽定大清一統志卷四百二十四

欽定四庫全書

欽定大清一統志卷四百二十四

占城

在西南海中

建置沿革即周越裳地秦為林邑漢為象林縣屬日

南郡後漢末區連據其地始稱林邑王傳數世無

子外甥范逸代立晉成帝咸康二年逸死其奴文

篡位

南史林邑傳范文本日南西卷縣夷帥范幼家奴常牧羊于山澗得鱧魚化為鉄因以鑄

刀刀成文向日咒曰若砍石破者文當王此國因為破石如斷芻橐文心異之及逸死遂篡其位乃



攻旁國并之  
有衆四五萬

至穆帝永和三年文率其衆攻陷日

南遂據其地告交州刺史朱蕃求以日南北鄙橫

山為界又襲九真害士庶十八九文死子佛立猶

屯日南九真太守灌邃率兵討走之乃復還林邑

唐貞觀中其王頭黎卒子鎮龍嗣為摩阿慢多伽

獨所殺范氏遂絕國人立頭黎之姑子諸葛地更

號環王元和初入寇驩愛等州安南都護張丹擊

破之遂棄林邑徙國于占號占城宋乾德中嘗入

貢元至元年惡其阻命大舉兵擊之終不能定明  
洪武二年太祖遣官以即位詔諭其國其王阿答  
阿者先已遣使奉表來朝貢象虎方物乃命中書  
省管勾甘桓會同館副使路景賢齎詔封阿答阿  
者為占城國王二十三年阿答阿者失道大臣閻  
勝弑王自立明年遣太師奉表來貢帝惡其悖逆  
却之永樂元年其王占巴的賴奉金葉表朝貢且  
告安南侵掠請降勅戒諭帝許之嗣後朝貢不絕

然安南與占城以壤地相接故互相侵掠搆兵不已至成化七年安南大舉兵破占城執其王槃羅茶全遂據其地改為交南州尋立前王孫齊亞麻弗菴為王以國南邊地予之始占城所有土地凡

三千七百餘里最為殷庶

宋史占城國在中國之西南東至海西至雲南

南至真臘北至驪州其地東西七百里南北三千  
里南曰施備州西曰上源州北曰烏里州所統大

小州三十八

自殘破以後民物蕭條貢使亦漸稀矣又

有賓童龍者與占城接壤或言如來入舍衛國乞

食即其地其氣候風土亦相類

明史賓童龍國人民史賓童龍國人民皆陸居巢處食果

實魚蝦無室廬井竈風土頗類占城惟進長能持服葵以餅地設齋禮佛婚姻偶合首出入乘象或馬從者百餘人前後讚唱民編茅覆屋貨用金銀花布國境有崑崙山屹然大海中與占城及東西竺鼎峙相望其山方廣而高其海即曰崑崙洋諸往西洋者必待順風七晝夜始得遇故舟人為之諺曰上怕七州下怕崑崙針迷舵失人船莫存焉

風俗胸纏氍布腦垂髻髻

宋史外國傳土無絲繭以白氍布纏胸垂至足衣衫

窄袖撮髮為髻散垂為髻于後其王腦後髻髻散披吉貝衣戴金花冠七寶裝纓絡為飾脰股皆露跣革履無襪婦人亦腦後撮髻無笄梳其服及拜揖與男子同王每日午坐禪椅官屬謁見膜拜一

而止白事畢復膜拜一而退或出遊看象采臘觀  
魚皆數日方還近則乘軟布兜遠則乘象或乘一  
木杠四人舁之先令一人持栳栳前導從者驅  
十餘輩各執弓箭刀槍手牌等其民望之膜拜驅

### 象逐邪殺牛祭祀

宋史占城傳其風俗于正月一日  
事象行所居之地土然後驅

逐出郭謂之逐邪四月有遊般之戲定十一月十  
五日為冬至人皆相賀每年十二月十五日城外  
縛木為塔王及臣民以衣物及香置塔上焚之以  
祭天地又其國有山牛不任耕耨但殺以祭祀將  
殺令巫祝之曰阿羅和及  
拔譯云早殺他託生也  
人性兇悍果于戰鬪

臨文獻市用金銀飲無茶酒

文獻通考市無錢  
止有金銀較量鑑珠

地不產茶亦不知釀之  
法止飲椰子酒兼食檳榔  
民以漁為業力穡者少

明史其國無霜雪四時皆似夏草木常青民以漁  
為業無二麥力穡者少故收穫薄國人皆食樵柳  
終日不離口

**無紙筆不解朔望**

明史其俗但以月生為初月晦為盡不置閏分

晝夜為十更非日中不起非夜分不卧見月則飲  
酒歌舞為樂無紙筆用羊皮槌薄熏黑削細竹蘸

白灰為字

**性狠而狡飲食穢污**

明史人情狠而狡貿易多不平戶皆

狀若蚯蚓

北向民居悉覆茅檐高不過三尺部頒分差等門  
高卑亦有限飲食穢污魚非腐爛不食醃不生蛆  
不美人體黑男蓬頭女椎髻俱跣足其王歲時采  
生人膽入酒中與家人同飲且以浴身曰通身是  
膽國人采以獻王又以洗象目

**崇釋教重刑罰**

明史

王在位三十年避位八山以兄弟子姪代特齊  
受戒告于天曰我為君無道願狼虎食我或病死

居一年無恙則復位如初國中呼為昔啖馬哈刺  
乃至尊至聖之稱有鯨魚潭獄疑不決者令兩造  
騎牛過其旁曲者魚輒躍而食之直者即數往返  
不食也續文獻通考刑禁亦設枷鎖小過以藤杖  
鞭之當死者以繩繫于  
樹用槍春喉而誅其首

土產金

南史林邑國有金山石有赤色其  
中生金金夜則出飛狀如螢火

火珠

唐書

四年林邑王范頭黎遣使獻火珠大如鷄卵圓白  
皎潔光能照數尺狀如水晶正午向日蒸之即火

燃

犀

大者八  
百斤

象

烏木

降香

伽南香

獨產其  
地一山

酋長遣人守之民  
不得采犯者斷手

觀音竹  
長丈八尺節二  
三寸色如鉄

矮脚鷄

結遼鳥

能解人語見  
唐書林邑傳

五色鸚鵡

唐書貞觀四年  
林邑獻五色鸚

鵝太宗異之詔右庶子李百藥為之賦  
玳瑁 孔雀 菩薩石 薈

薇水

猛火油

宋史占城有薔薇水灑衣經歲香不歇猛火油得水愈熾二者皆貯

以珮  
瑤瓶

吉貝

明統志樹名其花成時如鵝毳抽其緒紡之可以作布

白氎布



欽定大清一統志卷四百二十四

欽定四庫全書

欽定大清一統志卷四百二十四

真臘

在西南海中

建置沿革本扶南屬亦名占臘其後并扶南國而有

之隋大業中始通中國

隋書真臘傳其王三曰一聽朝坐五香七寶牀上施

寶帳其帳以文木為竿象牙金鈿為壁牀如小屋

懸金光焰有同于赤土前有金香爐二人侍側王

戴金寶花冠被珍珠璵絡足履革屐耳懸金鐺常

服白氎以象牙為屨若露髮則不加璵珞臣下服

製大抵相類有五大臣一日孤落支二曰高相憑

三曰婆何多陵四曰舍摩陵五曰髻多婁及諸小

臣朝于王者輒以階下三稽首王命上階則跪  
以兩手自抱膝達王環坐議政事訖跪伏而去唐

自武德至聖厯凡四來朝神龍以後國分為二其  
南近海多陂澤為水真臘其北多山阜為陸真臘  
後復合為一宋政和中遣使來貢宣和初封為真  
臘國王與占城等慶元中其王大舉兵伐占城破  
之而立真臘人為占城王故當時占城亦為屬國  
其屬國又有參半真里登汎眉蒲甘等  
國所領聚落六十餘地方七千餘里明洪武四  
年國王忽見那遣其臣奈亦吉郎等表獻方物永

樂間常再入貢使者以其國數被占城侵擾久留

不去帝遣中官送之還并敕占城王罷兵修好至

景泰後貢使不至

明史真臘傳其國城隍七十餘里國中有金塔金橋殿宇三十

餘所王歲時一會羅列玉獐孔雀白象犀牛于前名曰白墻洲歲食以金盤餘杭故有富貴真臘之號

風俗東向為上右手為潔

樂史太平寰宇記國俗東向開戶以東為上男婦悉

卷髮垂耳以右手為淨左手為穢

尚華侈崇釋教不知喪葬不識

蠶織

明史民俗富饒天時常熱不識霜雪禾一歲數稔男女椎髻穿短衫圓稍布刑有剕刑刺

配盜則去手足番人殺唐人罪死唐人殺番人則  
得金無金則鬻身無罪唐人者諸番呼華人之稱  
也凡海外諸國盡然婚嫁兩家俱八日不出門晝  
燃燈人死則置于野任鳥鳶食俄頃食盡者謂之  
福報居喪但髡其髮女子則願上剪髮如錢大曰  
用此報親文字以鹿鹿雜皮染黑用粉為小條畫  
于上永不脫落以十月為歲首閏悉用九月夜分  
四更亦有曉天文者能筭日月薄蝕其地謂儒為  
班詰僧為苾芻姑道為八思班詰不知讀何書由此  
入仕者為華貫先時頂挂一白線以自立既青曳  
白如故俗尚釋教僧皆食魚肉或以供佛惟不飲  
酒尤侗外國傳其俗不識蠶織後遣人來居得蠶  
與桑種織絁縫補  
率情道人為之

土產犀牛

象牙

翠羽

寶石

金顏香

明統志  
香乃樹

脂有淡黃色者有黑色者以剖開雪白者為佳夾砂石為下其氣能聚衆香番人以此和香塗身香

篤耨香

明統志樹如衫檜香藏于皮老而脂自流溢者名曰篤耨冬月因其凝而取之者名

黑篤耨盛之于瓢碎瓢而

沉香

速香

明統志伐樹去木而

取香者謂之生速樹朴木腐而香存者謂之熟速其樹木之半存者謂之暫香黃而熟者謂黃熟通

黑者謂

降香

烏木

蘇木

麝香木

氣似

婆田

羅樹

花葉及實畧似棗

歌卑陀樹

花似林禽葉似榆而厚大實似李

昆野

樹

花似木瓜葉似杏實似楮

菴羅樹

花葉似棗實似李

白豆蔻

胡椒

黃蠟

建同魚

隋書海中有建同魚四足無鱗其臭同于象吸水上噴高五六

十尺浮胡魚

隋書其形似鰕嘴如鸚鵡有八足

欽定大清一統志卷四百二十四

欽定四庫全書

欽定大清一統志卷四百二十四

瓜哇

在西南海中

建置沿革即古閩婆國又名莆家龍亦曰下港元時

改名瓜哇為西南諸番之衝要

王圻續文獻通考東抵古女人國西

抵三佛齊南抵古大食國北抵占城其在外視占城益遠自泉南登舟行海者先至占城而後至其國按元史至元二十九年十二月發泉州明年正月即抵其國相去止月餘似亦不為遠也宋

文帝元嘉中始通中國其後復絕至宋淳化中其



王木羅茶遣使來朝貢大觀中復貢元世祖至元

中大出師伐之竟不能克

其水有八節澗上接杜馬班王府下通箭奔大

海乃爪哇咽喉必爭地元史弼高興嘗會兵於此

其國分東西二王明洪

武中各遣使入貢永樂中東王為西王所滅宣德

七年嘗入貢表書一千三百七十六年蓋漢宣帝

元康元年乃其建國之始也自宏治後貢使鮮有

至者

風俗室宇壯麗飲食豐潔

宋史

乘軟兜吹橫笛

宋史其俗以五

月遊船十月遊山有馬可乘跨或穀米富饒民不

乘軟兜樂有橫笛鼓板亦能舞

為盜明統志其田膏腴地平衍穀米富饒倍於他國民不為盜道不拾遺諺云太平閭閻婆者此

也地多流寓刑無鞭朴

續文獻通考其國四鄉初至杜板僅千家二酋主之

流寓多廣東漳泉人又東行半日至廝村中國之人客此成聚落遂名新村約千餘家村主廣東人番舶至此互市金寶充溢人民富饒又南水行可半日至淡水港乘小艇行二十餘里至蘇魯馬邑亦千餘家半中國人港旁大洲林木蔚茂有長尾猴數萬又水行八十里至漳沽登岸西南陸行半日至王所居王宮磚墻高三丈方三十餘里王蓮頭頂金葉冠胛繫綵絲悅腰束錦綺佩短刀跣足跨象或乘牛民男蓮頭女椎結上衣下悅男必腰刀刀極精巧刑無鞭朴罪不問輕重藤摯刃殺之

市用中國古錢  
銖量倍於中國

尚氣好鬪寢食污穢

續文獻通考  
國人大抵三

種西番賈居久者服食皆雅潔中國流寓者尚回  
回教持齋受戒曰唐人土人有名無姓尚氣好鬪

顏色黥黑獠頭赤脚坐卧無椅榻飲食無匙箸啖  
蛇蟻蟲蚓與犬同寢食不為穢也婚姻男造女嫁

後五日迎婦金鼓刀盾前後甚多婦裸披髮跣足  
紫嵌綠帨戴披金珠綵飾寶粧良有水葵火葵大

葵惟死  
者所欲

好甲兵無紙筆

明史性兇悍男子無少長  
貴賤皆佩刀稍忤輒相賊

故其兵甲為諸番之最字類瑣里無紙  
筆刻於芟草葉氣侯常似夏稻歲二稔

土產金

銀

真珠

犀角

番名  
低密

象牙

番名  
家囉

玳瑁

諸名香

烏爹泥

金剛子

草澄茄

明統志其  
藤蔓行春

花夏實花  
白而實黑

鵲頂

鳥名大於鴨  
外黃內赤

火鷄

大於鷄軟紅冠  
毛如青羊食炭

倒掛鳥

形如五  
色雀

吉貝

桄榔木

青鹽

綵鳩

白猿

五色鸚鵡

明統志瓜哇有鸚鵡  
山以出鸚鵡得名

欽定大清一統志卷四百二十四

欽定四庫全書

欽定大清一統志卷四百二十四

淳泥

在西南海中

建置沿革本閩婆屬國前代無可考宋太平興國中始遣使入貢明洪武三年命御史張敬往使自泉州航海閱半年抵閩婆又踰月始至其國國王乃遣使奉表箋來貢表用金箋用銀字近回鵬皆鏤之以進帝宴賚甚厚八年命其國山川附祀福建

山川之次永樂六年八月其王麻那惹加那泛海  
入朝十月王卒於館葬於安德門外石子岡樹碑  
神道諡曰恭順賜勅慰其子遐旺命襲封國王至  
萬厯中其王卒無嗣乃立其女為王後遂不復朝  
貢然商人猶往來不絕其國統十四洲在舊港之  
西自占城四十日可至初屬爪哇後屬暹羅改名  
大泥華人多流寓其地嘉靖末閩粵海寇遺孽逋  
逃至此積二千餘人萬厯時紅毛番強商其境築

土庫以居其入彭湖互市者所攜乃大泥國文也

風俗以板為城以銅鑄甲

宗史其國以板為城王所居屋覆以貝多葉民舍覆

以草王坐繩牀出則擁大布單坐其上衆昇之名曰阮囊戰鬪則持刀披甲甲以銅鑄狀若大筒穿之於身護其腹背 盛食無罷皿喪葬有棺斂婚聘先以椰

子酒

宗史國人以十二月七日為歲節凡宴會鳴鼓吹笛擊鼓歌舞為樂無罷皿以竹編貝多

葉為器盛食食訖棄之喪葬亦有棺斂以竹簾載棄山中二月始耕作則祀之踰七年則不復祀

俗尚奢侈愛敬中國

明統志男女推髻以五采帛繫腰花錦為衫尤愛敬中國

人每見中國人辟者則扶之以歸



土產片腦

明統志樹如杉檜取之者必齋沐而往其成片似梅花者為上其次有金腳腦連腦

米腦管腦扎聚腦又一種如油者名腦油

象牙

額頂

吉貝

西國

米檀香

玳瑁 把雜爾

獸名腹中一石能療百病

西洋布

降真香

俱見明史

欽定大清一統志卷四百二十四

欽定四庫全書

欽定大清一統志卷四百二十四

麻葉甕

在西南海中

建置沿革又名麻葉凍自古不通中國明永樂三年遣使齎璽書賜物招諭迄不朝貢相傳自占城靈山放舟順風十晝夜至交欄山自西南即麻葉甕也交欄山甚高廣饒竹木元時史弼高興伐爪哇遭風至此山下舟多壞乃登山伐木重造遂破爪

哇其病卒百餘人留養不歸從益蕃衍故其地多

華人云

風俗氣候稍熱俗尚節義

王圻續文獻通考山峻地平氣候稍熱田禾倍收俗

尚節義婦人喪夫則髻面剃髮絕粒七日多有死者得魁亦不再嫁

煮海為鹽釀蔗

為酒

續文獻通考

男女椎髻衣長衫圍之以布

明史

土產玳瑁

木綿

黃臘

檳榔

花布

欽定大清一統志卷四百二十四

欽定四庫全書

欽定大清一統志卷四百二十四

三佛齊

在西南海中

建置沿革南蠻別種

或云即干陀利

與占城為隣居真臘闍

婆之間所管五十州從廣州府汎海使風二十日

可至其王號唐卑其國居人多蒲姓唐天祐元年

始遣使入貢宋太平興國五年其王夏池遣使茶

龍眉來貢咸平六年復來且言本國建佛祠以祝

聖壽願賜名及鍾乃詔以承天萬壽為寺額并鑄  
鐘以賜之嗣後朝貢不絕明洪武四年其王馬哈  
刺扎八刺卜遣使入貢九年命使者齎印敕封為  
三佛齊國王時爪哇強已威服三佛齊而役屬之  
聞封國王與已埒則大怒遣人誘朝使邀殺之尋  
破三佛齊據其國改其名曰舊港然亦不能盡其  
地華人流寓者往往起而據之

明史有梁道明者  
廣州南海縣人久

居其國閩粵軍民泛海從之者數千家推道明為  
首雄視一方永樂三年以行人譚勝受與道明同

邑命偕千戶楊姓等齋勅招之道明及其黨鄭伯  
可隨入朝貢方物受賜而還四年舊港頭曰陳祖  
義遣子士良道明遣從子觀政並來朝祖義亦廣  
東人雖朝貢而為盜海上貢使往來者苦之五年  
鄭和自西洋還祖義潛謀邀結有施進卿者告於  
和祖義來襲被擒獻於朝伏誅因命設舊港宣慰  
司以進卿為使錫誥印及冠帶自是屢入貢然進  
卿雖受朝命猶服爪哇其地狹小非故時三佛齋  
也

嘉靖末廣東大盜張璉作亂官軍已報克獲萬

比  
歷五年商人詣舊港者見璉列肆為番舶長漳泉  
人多附之猶中國市舶云

風俗香油塗身柳絮覆屋

宋史其人用香油塗身又  
曰累覺為城周數十里用

柳葉  
覆屋

土沃宜稼民皆水居

明史土沃宜稼語云一年種穀三年生金言收

獲盛而貿金多也俗富好溫習於水戰隣國畏之地多水惟鄆領陸居庶民皆水居編筏築室繫之於椿水漲則筏浮無沉溺患欲徙則拔椿去之不費財力

土產紅藤

紫礦

見宋史

貓睛石

脛肭臍

薔薇水

龍腦香

沉香

金銀香

神鹿

如巨豕高三尺蹄三貍

鶴頂

火鷄

黑熊

白獺

五色鸚鵡

龜筒

苾布

堯羅錦

欽定大清一統志卷四百二十四

欽定四庫全書

欽定大清一統志卷四百二十四

佛郎機

在西南海中

建置沿革自古不通中國相傳在西南海中近滿刺

加明正德中據滿刺加地逐其王

明史滿刺加在占城南或曰即

古頻遜地

十三年遣使臣加必丹末等貢方物請封始

知其名嘉靖二年其將別都盧既以巨賈利兵肆

掠滿刺加諸國橫行海上復率其屬踈世利等入



寇新會之西草灣指揮柯榮百戶王應恩禦之轉戰至稍州向化人潘丁苟先登衆齊進生擒別都盧疎世利等獲其二州賊敗遁官軍得其礮即名

為佛郎機副使汪鉉進之朝

九年秋鉉累官右都御史上言今塞上礮

臺城堡未嘗不設乃寇來輒遺蹂躪者蓋礮臺止瞭望城堡又無制遠之具故往往受困當用臣所進佛郎機其小止二十斤以下遠可六百步者則用之礮臺每礮用其一以三人守之其大至七十五斤以上遠可五六里者則用之城堡每堡用其三以十人守之五里一礮十里一堡大小相依遠近相應寇將無所容足可坐守不戰之功其後廣東帝悅即從之火礮之有佛郎機自此始

巡撫林富上言粵中公私諸費多資商稅番舶不至則公私皆窘請許佛郎機互市從之明史許佛郎機互市有四利祖宗時諸番常貢外原有抽分之法稍取其餘足供御用利一兩粵比歲用兵庫藏耗竭藉以充軍餉備不虞利二粵西素仰給粵東小有徵發即措辦不前若番舶流通則上下交易利三民以懋遷為生持一錢之貨即得展轉販易衣食其中利四助國裕民兩有所賴此因民之

利而利之非開利孔為民梯禍也從之自是佛郎

機得入香山壘壕境為市築室建城雄據海畔

壕境

在廣州府香山縣南虎跳門外先是暹羅占城爪哇琉球洋泥諸谷互市俱在廣州設市舶司領之

正德時移于高州之電白縣嘉靖十四年指揮黃慶納賄請于上官移之壕境歲輸課二萬金佛郎

機遂得混入高棟飛覺榔比相望閩粵商人趨之若鶩久之其來益眾諸國人避而畏之遂專為所

據萬厯中又破滅呂宋遂盡擅閩粵海上之利云

風俗好經商奉佛教

明史其人長身高鼻貓睛鷹嘴  
孝髮赤鬚好經商恃強凌轢諸

國無所不往衣服華潔貴者冠峨者豈見尊長輒  
去之初奉佛教後奉天主教市易但仲指示數難

累千金不立約契有事指天為誓不相負尤伺外國傳其國人身著衫袴垂至脰皮屨衣服用瑣袂西洋布每六日一禮佛先三日食魚為齋至禮拜日鷄犬牛羊不忌手持紅杖而行飲食不用匙箸富者食麴貲與奴僕食米婚娶無媒妁佛前相配以僧為証謂之交印國有大故亦多與僧謀人死時布囊以裝所蓄半入僧室

土產犀象珠貝

欽定大清一統志卷四百二十四

欽定四庫全書

欽定大清一統志卷四百二十四

緬甸

在雲南騰越關外

建置沿革古西南夷不知何種其地舊有五城

明統志舊

有江頭太公馬來安正國蒲甘緬王五城

元至元中屢討之後於蒲甘

緬王城置邦牙等處宣慰使司明洪武時入貢方

物置緬中宣慰使

明史洪武二十六年八百國使人入貢因言緬國近其邊以地

遠不能自達帝乃令西平侯沐春遣使至八百國王所諭意於是緬國始遣使來貢方物

永樂

中賜緬甸冠帶印章信符令三年一朝貢嘉靖初  
緬甸為孟養木邦孟密所破訴於朝不報其後復

稍稍雄制諸蠻

明史緬地舊隣孟養宣德時孟養有思任發者據麓川為亂總督王

驥遣人諭緬甸福令獻賦首緬甸遂與木邦函思  
任發首獻之孟養以故怨緬嘉靖初孟養糾木邦  
孟密共擊破緬殺宣慰使莽紀歲永昌知府嚴時  
泰往勒之孟養縱兵鼓譟焚驛舍殺千戶一人朝  
廷以安鳳之亂未暇究其事莽紀歲有子名瑞體  
少匿洞吾母家其酋養為己子既長有其地諸蠻  
皆畏服之因假途孟密攻孟養以復前仇仍招致  
隴川千崖南甸諸土官欲入寇覘知中國有備乃  
通歸朝議以荒服之外治以不治瑞體逆萌自王  
之志萬歷元年金騰副使許天琦招諭孟養孟養

受檄拒緬甸天琦卒副使羅汝芳調漢土兵馬至  
騰越為援絕其糧還緬兵大敗後孟養復為瑞體  
所并巡撫饒仁侃遣人招緬不應瑞體死  
其子應裏遂起眾兵數十萬分道內侵

萬曆時

分道內侵騰越遊擊劉緹與永昌叅將鄧子龍  
大破之率兵出隴川孟密直抵阿瓦時諸部咸殺  
緬使來歸旋復解散陰附於緬巡撫陳用賓於騰  
衝築八關留戍募人至暹羅夾攻緬緬勢頓衰阿  
瓦木邦相率入貢而暹羅連歲攻緬為所殘破自  
是不敢內犯然諸近緬部附緬如初天啓後職貢



遂絕

國朝順治十六年大兵平定雲南永明王朱由榔逃  
入緬緬人居之赭磴以兵守之十八年大兵以緬  
人執永明王送軍前乾隆十六年緬酋蟒達喇遣  
使具表納貢

上頒勅獎諭並賜銀幣器物時緬國內亂其頭目覓藉  
牙將謀自立會貢使還至緬境蟒達喇已被害覓  
藉牙代立其子惜馭與沿邊土司滋釁總督劉藻

楊應琚先後經理不善三十四年

上命將督師前往勦辦由憂鳩進兵收取猛拱猛養於  
新街大捷進次老官屯會情駁專遣頭目奉蒲葉  
書詣軍門乞降

上以其地水土惡劣不值久駐官軍遂

降旨班師嚴飭邊關示以禁絕情駁死子贅角牙立其  
國頻年內亂殺贅角牙迎孟隕立之五十三年孟  
隕遣其頭目業渺瑞洞細哈覺控等款關納貢悔

罪輸忱總督富綱以

聞許之賁至金葉表文金塔馴象及其他方物

上於避暑山莊宣見緬使宴賚甚渥

特勅嘉獎並

頒賜佛像如意朝珠銀幣諸物至京師令緬使詣

闕隨班行禮畢遣令歸國

風俗居有屋廬濟用舟筏乘象馬識文字

元史緬人有城郭屋

廬以居有象馬以乘舟筏以濟其文字進上者用金葉寫之次用紙又次用檳榔葉綰髮文

身以為飾

明統志緬人形陋體黑性柔而詐其首號曰卜刺浪男子善浮水夏穿洗白

單衣冬寒穿白兜羅棉衣其富者出入著大袖白布衫男子縮髻於頂前用青白二色布纏之婦人

縮髻於後不施脂粉男女皆和白檀麝香當歸薑黃末塗於身及頭面以為奇其酋長出入乘平輜

或騎象坐則在前從者圓後皆席地事佛敬僧明統志緬人專事佛敬僧立阿瓦刺城邦

啞直根等寺莊嚴甚整有大事則挖佛說誓質之僧然後決吉事用樂其樂有皮鼓笙

籥銅鑼嚼吶之屬國中設樂人肄習惟奉上用之

土產寶石

有紅藍桃紅及他雜色

象

檀香

白氎布

頗幹盒

以皮為之飾以髹漆以上俱入貢

椰子

兜羅棉

樹頭酒

明統志樹類梭高五六丈結實大如掌土人以麴納罐中以索懸罐於樹下割其實

取汁以為酒或不用麴惟取其汁焚石油明統志為白糖其葉即貝葉寫緬書用之

石油

明統志自石縫

流出臭惡而色

黑可塗毒瘡



身以為飾

明統志緬人形陋體黑性柔而詐其首號曰卜刺浪男子善浮水夏穿洗白

單衣冬寒穿白兜羅棉衣其富者出入著大袖白布衫男子縮髻於頂前用青白二色布纏之婦人縮髻於後不施脂粉男女皆和白檀麝香當歸薑黃末塗於身及頭面以為奇其酋長出入乘平輜或騎象坐則在前事佛敬僧明統志緬人專事佛從者圓後皆席地事佛敬僧明統志緬人專事佛啞直根等寺莊嚴甚整有大事則抱佛說誓贊之僧然後決吉事用樂其樂有箏銅鑼嚼吶之屬國中設樂人肄習惟奉上用之

土產寶石

有紅藍桃紅及他雜色

象

檀香

白氈布

頗幹盒

以皮為之飾以髹漆以上俱入貢

椰子

兜羅棉

樹頭酒

明統志樹類棧高五六丈結實大如掌土人以麴納罐中以索懸罐於樹下割其實

取汁以為酒或不用麴惟取其汁焚為白糖其葉即貝葉寫緬書用之

石油

明統志自石縫

流出臭惡而色

黑可塗毒瘡

